



Broj: 01-05-11393/15
Sarajevo, 22.05.2015.godine

POSLANICIMA – ZASTUPNICIMA
U SKUPŠTINI KANTONA SARAJEVO

VLADA KANTONA SARAJEVO

Na osnovu člana 73. Poslovnika Skupštine Kantona Sarajevo („Službene novine Kantona Sarajevo“ – (Drugi novi prečišćeni tekst, br: 41/12 i 15/13), Kolegij Skupštine Kantona Sarajevo, dana 22.05.2015.godine, prihvatio je zahtjev Vlade Kantona Sarajevo, da se Prijedlog dnevnog reda Treće Radne sjednice, dopuni sa sljedećom tačkom:

1. Prijedlog zakona o dopunama Zakona o istaknutim samostalnim umjetnicima Kantona Sarajevo – skraćeni postupak (razmatraće se kao tačka 2.)

U prilogu na WEB stranici: <http://skupstina.ks.gov.ba/> mozete naci dopunski materijal, dio izvještaja radnih tijela Skupštine Kantona Sarajevo i dio odgovora na poslanička/zastupnička pitanja.

Napomena:

Sjednica Skupštine Kantona Sarajevo zakazana za četvrtak 28.05.2015. godine se zbog sjednice Doma naroda pomjera za srijedu 27.05.2015. godine sa početkom u 10,00 sati.

S poštovanjem,

PREDSJEDAVAJUĆI
SKUPŠTINE KANTONA SARAJEVO

Sejo Bukva





Broj: 02-05-8923/15
Sarajevo, 22.05.2015. godine

SKUPŠTINA KANTONA SARAJEVO
– Kolegij Skupštine Kantona Sarajevo
– n/r Predsjedavajuće

Predmet: Zahtjev za dopunu dnevnog reda Treće radne
sjednice Skupštine Kantona Sarajevo.-

Shodno odredbama člana 73. Poslovnika Skupštine Kantona Sarajevo (“Službene novine Kantona Sarajevo”, broj: 41/12 – Drugi novi prečišćeni tekst i br. 15/13 i 47/13), predlažem dopunu dnevnog reda Treće radne sjednice Skupštine Kantona Sarajevo, zakazane za **28.05.2015. godine** sa sljedećim materijalom:

1. Prijedlog zakona o dopunama Zakona o istaknutim samostalnim umjetnicima Kantona Sarajevo.

S poštovanjem



PREMIJER
Elmedin Konaković
Elmedin Konaković

Dostaviti:

1. Predsjedavajući Skupštine Kantona Sarajevo
2. Kolegij Skupštine Kantona Sarajevo
3. Sekretar Skupštine Kantona Sarajevo
4. Evidencija
5. Arhiva



web: <http://vlada.ks.gov.ba>
e-mail: premijer@ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1





Broj: 02-05-8923-22/15
Sarajevo, 21.05.2015. godine

Na osnovu člana 26. i 28. stav 4. Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 - Ispravka), Vlada Kantona Sarajevo, na **Sedmoj** sjednici održanoj **21.05.2015.** godine, donijela je sljedeći

ZAKLJUČAK

1. Utvrđuje se Prijedlog zakona o dopunama Zakona o istaknutim samostalnim umjetnicima Kantona Sarajevo.
2. Predlaže se Skupštini Kantona Sarajevo da, u skladu sa članom 158. Poslovnika Skupštine Kantona Sarajevo ("Službene novine Kantona Sarajevo", broj 41/12- Drugi novi prečišćeni tekst, 15/13 i 47/13), po skraćenom postupku pretrese i donese Zakon iz tačke 1. ovog Zaključka.

P R E M I J E R

Elmedin Konaković

Dostaviti:

1. Predsjedavajući Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo kulture i sporta
5. Evidencija
6. A r h i v a



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Na osnovu člana 12. stav 1. tačka c. i člana 18. stav 1. tačka b. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 28/04 i 6/13), Skupština Kantona Sarajevo, na sjednici održanoj ____ . _____ 2015. godine, donijela je

ZAKON
O DOPUNAMA ZAKONA
O ISTAKNUTIM SAMOSTALNIM UMJETNICIMA
/PRIJEDLOG/

Član 1.

(Dopuna člana 3. Zakona)

U članu 3. Zakona o istaknutim samostalnim umjetnicima („Službene novine Kantona Sarajevo“, broj 19/11), iza stava (2) dodaje se stav (3), koji glasi:

„(3) Preporuku iz stava (1) tačka c) ovog člana daje strukovno udruženje registrovano na području Kantona Sarajevo za određenu umjetničku djelatnost, a ukoliko takvo udruženje nije registrovano na kantonalnom nivou, u tom slučaju preporuku daje strukovno udruženje registrovano na državnom ili federalnom nivou.“

Član 2.

(Dopuna člana 14. Zakona)

U članu 14. iza stava (2) dodaje se stav (3), koji glasi:

(3) Pravo na uplatu doprinosa za penzijsko invalidsko osiguranje ima istaknuti samostalni umjetnik koji je u prethodnoj kalendarskoj godini ostvario prihod manji od dvostrukog godišnjeg prosjeka neto plaće ostvarene u Kantonu Sarajevo.

Član 3.

(Dopuna člana 27. Zakona)

U članu 27. iza stava (1) dodaju se st. (2) i (3), koji glase:

„(2) Istaknuti samostalni umjetnici učestvovala dva puta u toku kalendarske godine bez naknade, od čega jednom za vrijeme praznika (31/1. i 1/2. Januar – Nova godina, 1. Mart – Dan nezavisnosti BiH, 1. i 2. maj – Praznik rada, 9. maj – Dan pobjede nad fašizmom, 25. novembar – Dan državnosti BiH), a uz prethodni poziv dostavljen najmanje 30 dana ranije od strane organizatora kulturne manifestacije od javnog interesa („Dani Kantona“, „Bašćaršijske večeri“, „Sarajevska zima“, „Izbor sportiste Kantona Sarajevo“), da daju svoj umjetnički doprinos u smislu učešća u održavanju književnih manifestacija, izložbi, koncerata, modnih revija i drugih umjetničkih aktivnosti.

(3) Ukoliko istaknuti samostalni umjetnik izričito i neopravdano odbije poziv da potpiše ugovor sa organizatorom kulturne manifestacije iz stava (2) ovog člana, ili nakon potpisivanja ugovora ne ispuni svoje obaveze, prestaje mu status istaknutog samostalnog umjetnika.“

Član 4.

(Utvrdivanje Prečišćenog teksta)

Ovlašćuje se Zakonodavno-pravna komisija Skupštine Kantona Sarajevo da utvrdi Prečišćeni tekst Zakona o istaknutim samostalnim umjetnicima.

Član 5.

(Stupanje na snagu ovog Zakona)

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

Broj: 01-02- /15
Sarajevo, __. ____.2015. godine

PREDSJEDAVAJUĆI
SKUPŠTINE KANTONA SARAJEVO

Sejo Bukva

O b r a z l o ž e n j e

I – PRAVNI OSNOV:

Pravni osnov za donošenje ovog zakona sadržan je u odredbama člana 12. stav 1. tačka c) i člana 18. stav 1. tačka b) Ustava Kantona Sarajevo («Službene novine Kantona Sarajevo», br. 1/96, 2/96- Ispravka, 3/96- Ispravka, 16/97, 14/00, 4/01, 28/04 i 6/13).

Izvod iz člana 12. Ustava Kantona Sarajevo glasi:

«Isključive nadležnosti Kantona Sarajevo

U okviru svojih nadležnosti Kanton je nadležan za:

c) Utvrđivanje i provođenje kulturne politike;»

Izvod iz člana 18. Ustava Kantona Sarajevo glasi:

«Nadležnosti Skupštine

Skupština Kantona:

b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona.»

II – RAZLOZI ZA DONOŠENJE

Ovim dopunama Zakona o istaknutim samostalnim umjetnicima želi se omogućiti da istaknuti samostalni umjetnici daju svoj doprinos kulturnim programima na području Kantona Sarajevo koji se organizuju uz podršku Vlade Kantona Sarajevo i Ministarstva kulture i sporta.

Ovdje je riječ o jednostavnijim dopunama koje poboljšavaju tekst Zakona i omogućavaju da se na jednostavan način postigne svrha Zakona s ciljem unapređenja kulturne scene Sarajeva.

III – POSTUPAK PRIPREME

Ministarstvo kulture i sporta Kantona Sarajevo je smatralo da za ovako jednostavne dopune Zakona, koje nisu ni složene, ni obimne, ne treba javna rasprava, nego da treba primjeniti član 158. Poslovnika Skupštine Kantona Sarajevo ("Službene novine Kantona Sarajevo", broj 41/12- Drugi novi prečišćeni tekst, 15/13 i 47/13), koji omogućava da se odmah predloži Zakon, koji se pretresa po skraćenom postupku, bez provođenja procedure utvrđivanja nacrtu Zakona.

IV – OBRAZLOŽENJE POJEDINIH ODREDBI ZAKONA

Odredbom člana 1. Zakona o dopunama Zakona o istaknutim samostalnim umjetnicima određeno je da se u članu 3. Zakona o istaknutim samostalnim umjetnicima („Službene novine Kantona Sarajevo“, broj 19/11), iza stava (2) dodaje se stav (3), koji glasi:

„(3) Preporuku iz stava (1) tačka c) ovog člana daje strukovno udruženje registrovano na području Kantona Sarajevo za određenu umjetničku djelatnost, a ukoliko takvo udruženje nije registrovano na kantonalnom nivou, u tom slučaju preporuku daje strukovno udruženje registrovano na državnom ili federalnom nivou.“

Odredbom člana 2., određeno je da se u članu 14. iza stava (2) dodaje stav (3), koji glasi:

„(3) Pravo na uplatu doprinosa za penzijsko invalidsko osiguranje ima istaknuti samostalni umjetnik koji je u prethodnoj kalendarskoj godini ostvario prihod manji od dvostrukog godišnjeg prosjeka neto plaće ostvarene u Kantonu Sarajevo.“

Odredbom člana 3. određeno je da se u članu 27. Zakona iza stava (1) dodaju se st. (2) i (3), koji glase:

„(2) Istaknuti samostalni umjetnici učestvovali dva puta u toku kalendarske godine bez naknade, od čega jednom za vrijeme praznika (31/1. i 1/2. Januar – Nova godina, 1. Mart – Dan nezavisnosti BiH, 1. i 2. maj – Praznik rada, 9. maj – Dan pobjede nad fašizmom, 25. novembar – Dan državnosti BiH), a uz prethodni poziv dostavljen najmanje 30 dana ranije od strane organizatora kulturne manifestacije od javnog interesa („Dani Kantona“, „Bašćaršijske večeri“, „Sarajevska zima“, „Izbor sportiste Kantona Sarajevo“), da daju svoj umjetnički doprinos u smislu učešća u održavanju književnih manifestacija, izložbi, koncerata, modnih revija i drugih umjetničkih aktivnosti.

(3) Ukoliko istaknuti samostalni umjetnik izričito i neopravdano odbije poziv da potpiše ugovor sa organizatorom kulturne manifestacije iz stava (2) ovog člana, ili nakon potpisivanja ugovora ne ispuni svoje obaveze, prestaje mu status istaknutog samostalnog umjetnika.“

Odredbom člana 4., određeno je da se ovlašćuje Zakonodavno-pravna komisija Skupštine Kantona Sarajevo da utvrdi Prečišćeni tekst Zakona o istaknutim samostalnim umjetnicima.

Odredbom člana 5., određeno je da ovaj Zakon stupa na snagu osmog dana od dana objavljivanja u “Službenim novinama Kantona Sarajevo“.

V – SREDSTVA ZA PROVOĐENJE ZAKONA

Za provođenje Zakona o istaknutim samostalnim umjetnicima obezbijedena su finansijska sredstva u budžetu Kantona Sarajevo za 2015. godinu u ukupnom iznosu cca. 280.000,00 KM.

U Budžetu Kantona Sarajevo za 2015. godinu („Službene novine Kantona Sarajevo“, br. 13/15) i projekciji Budžeta za 2016. i 2017. godinu navedena sredstva nalaze se na poziciji:

- tekući transferi iz oblasti kulture,
- konto 614 311,
- subanalitika MAN 037,
- funkcionalni kod 0820,
- iznos u visini od 280.000,00KM.

Međutim, same odredbe **Zakona o dopunama Zakona** o istaknutim samostalnim umjetnicima neće uticati na finansijska sredstva planirana Budžetom za ovu i naredne (dvije) godine, jer se istim samo omogućava da istaknuti samostalni umjetnici besplatno uzmu učešće u kulturnim manifestacijama od interesa za Kanton Sarajevo.

Inače, planirana budžetska sredstva se koriste u skladu sa odredbama čl. 14. Zakona o istaknutim samostalnim umjetnicima („Službene novine Kantona Sarajevo“, broj 19/11).

Odredbama člana 14. utvrđeno je da pravo na uplatu doprinosa pod uslovima utvrđenim ovim Zakonom ostvaruje istaknuti samostalni umjetnik sa priznatim statusom, a u skladu sa odredbama zakona kojim se uređuje uplata doprinosa za samostalna zanimanja iz Budžeta Kantona i u granicama sredstava planiranih Budžetom za ovu namjenu.

Istaknuti samostalni umjetnik mora kontinuirano da djeluje, te da Ministarstvu podnese:

- a) ovjerenu izjavu datu pod moralnom i materijalnom odgovornošću da je prijavio svoje prihode poreskoj upravi;
- b) dokaze o kontinuiranom umjetničkom djelovanju;
- c) poresko uvjerenje

Trenutno ovaj status uživa 37 istaknutih samostalnih umjetnika upisanih u registar istaknutih samostalnih umjetnika, a za još (4) četiri je u toku postupak priznavanja navedenog statusa počev od 01.05.2015. godine, (potrebno je još samo podnijeti prijave Poreskoj upravi).

Iz ove ukupne sume u mjesečnim tranšama uplaćuju se za ovaj broj umjetnika doprinosi za penzijsko invalidsko osiguranje FONDU PIO/MIO FBIH po stopi od 33,33% za penzijsko-invalidsko osiguranje, a doprinosi za zdravstveno osiguranje Zavodu za zdravstveno osiguranje Kantona Sarajevo po stopi od 16,50%.

Osnovicu za obveznike koji obavljaju samostalne djelatnosti, među kojima je i djelatnost istaknutih samostalnih umjetnika utvrđuje ministar Federalnog ministarstva finansija svake godine.


Osnovica za obračun doprinosa određenih obveznika za 2015. godinu objavljena je u „Službenim novinama Federacije BiH“, broj 103/14).

Pregled neto osnovica za period od 2011. kada je Poreska uprava preuzela evidentiranje svih uplata doprinosa, do danas, tabelarno je izražen na slijedeći način:

R.br.	Budžetska godina		NETTO OSNOVICA ZA OBRAČUN DOPRINOSA „PER CAPITA“	STOPA ZA PIO 33,33%	STOPA ZA ZDRAVSTVO 16,5%
		BRUTTO			
1.	2011.		924,60 KM	308,20KM	211,27KM
2.	2012.		943,92 KM	314,64KM	225,72KM
3.	2013.		957,72 KM	319,24KM	229,02KM
4.	2014.	1.398,99	965,31 KM	321,76 KM	230,83KM
5.	2015.	1.397,00	963,93 KM	321,30 KM	230,50 KM

Za 2015. godinu bruto osnovica iznosi 1397,00 KM, a neto osnovica 963, 93 KM, što znači da se za svakog istaknutog samostalnog umjetnika u 2015. godini uplaćuje mjesečno 321,30 KM za PIO/MIO, te 230,50 KM na ime doprinosa za zdravstveno osiguranje.

Također, iz ukupne sume utvrđene Budžetom, isplaćuje se otpremnina kod odlaska u penziju istaknutog samostalnog umjetnika, nakon što podnese Zahtjev dokumentovan Rješenjem o odlasku u penziju u visini tri prosječne neto plaće ostvarene na području Kantona Sarajevo prema zadnjem objavljenom podatku Federalnog zavoda za statistiku, a u skladu sa odredbama člana 23. Zakona o istaknutim samostalnim umjetnicima.



904

321

Broj: 09-02-7304/15
Sarajevo, 24.04.2015. godine

KANTON SARAJEVO
MINISTARSTVO KULTURE I SPORTA 27-04-2015

PREDMET: Stručno mišljenje na prijedlog Zakona o dopunama Zakona o istaknutim samostalnim umjetnicima.-

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj: 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 21/11-Novi prečišćeni tekst i 30/11-Ispravka), Ured za zakonodavstvo Vlade Kantona Sarajevo, daje slijedeće

MIŠLJENJE

1. Procjenu i opravdanost prihvatanja predloženih dopuna Zakona u nadležnosti je Vlade, odnosno Skupštine Kantona Sarajevo.

Pitanje utvrđivanja i provođenja kulturne politike u isključivoj je nadležnosti Kantona Sarajevo.

2. Preporuke normativno-pravne prirode na dostavljeni prijedlog Zakona o dopunama Zakona o istaknutim samostalnim umjetnicima (u daljem tekstu: Zakona):

a) član 1. preformulisati, tako da isti glasi:

"Član 1.
(Dopuna člana 3.)

U članu 3. Zakona o istaknutim samostalnim umjetnicima ("Službene novine Kantona Sarajevo" broj: 19/11), iza stava (2), dodaje se stav (3) koji glasi:

"(3) Preporuku iz stava (1) tačka c) ovog člana, daje strukovno udruženje registrovano na području Kantona Sarajevo za određenu umjetničku djelatnost, a ukoliko takvo udruženje nije registrovano na kantonalnom nivou, u tom slučaju preporuku daje strukovno udruženje registrovano na državnom ili federalnom nivou."

Obrazloženje: ova normativno-tehnička preporuka je u saglasnosti sa odredbama čl. 3. i drugim odredbama Zakona.



web: <http://uz.ks.gov.ba>
e-mail: ured@ks.gov.ba
Tel/fax: + 387 (0) 33 560-448
Sarajevo, Hamida Dizdara 1



b) članom 2. prijedloga Zakona, predlažu se dopune člana 27., umjesto člana 18. Zakona, jer se predmetnim članom reguliše, između ostalog pravni slučajevi prestanka statusa istaknutog samostalnog umjetnika. S tim u vezi, član 2. prijedloga Zakona preformulisati, tako da isti glasi:

"Član 2."
(Dopuna člana 27.)

U članu 27. Zakona, iza stava (1), dodaju se st. (2) i (3) koji glase:

(2) Tekst stava (2) ostaje isti, kao u prijedlogu Zakona koji nam je dostavljen na stručno mišljenje.

"(3) Ukoliko istaknuti samostalni umjetnik **izričito i neopravdano odbije poziv Ministarstva, odnosno neopravdano ne izvrši obavezu iz stava (2) ovog člana, u tom slučaju prestaje mu status istaknutog samostalnog umjetnika u postupku koji se provodi u skladu sa članom 28. Zakona.**"

Obrazloženje: na ovaj način osigurava se usaglašenost odredbi Zakona, u postupku donošenja rješenja o prestanku statusa istaknutog samostalnog umjetnika, kao i prava koja se ostvaruju na osnovu ovog statusa. Na ovaj način obezbjeđuje se i zakonitost provođenja prvostepenog i drugostepenog postupka u slučajevima prestanka statusa istaknutog samostalnog umjetnika, kao i sudske zaštite putem vođenja upravnog spora.

c) iza člana 2., dodati član 3. koji glasi:

"Član 3."
(Utvrdjivanje Prečišćenog teksta)

Ovlašćuje se Zakonodavno-pravna komisija Skupštine Kantona Sarajevo da utvrdi Prečišćeni tekst Zakona o istaknutim samostalnim umjetnicima."


Dosadašnji član 3. prijedloga Zakona, postaje član 4.

d) u skladu sa datim preporukama, izvršiti izmjene u tekstu obrazloženja prijedloga Zakona.

3. U skladu sa datim preporukama iz tač. 2. Stručnog mišljenja Ureda za zakonodavstvo Vlade Kantona Sarajevo, predlaže se nosiocu pripreme predmetnog materijala da pripremi novi tekst prijedloga Zakona.

Dostaviti:

1. Naslovu
2. Evidencija
3. Arhiva



SEKRETAR

Hamid Ljubović, dipl.pravnik



http://uz.zov.ba;
e-mail: uz@uz.zov.ba;
Tel/fax: + 387 (0) 33 560-448
Sarajevo, Hamida Dizdara 1





Broj: 03-05-02-7302/15
Sarajevo, 23.04.2015. godine

KANTON SARAJEVO
MINISTARSTVO KULTURE I SPORTA
gosp. Samer Rešidat, ministar


PREDMET: Prijedlog Zakona o dopunama Zakona o istaknutim samostalnim umjetnicima,
mišljenje-

Postupajući po Vašem aktu, broj i datum gornji, u skladu sa odredbama člana 7. Zakona o organizaciji i djelokrugu organa uprave i upravnih organizacija Kantona Sarajevo („Službene novine Kantona Sarajevo“, broj 2/12- Prečišćeni tekst i br. 41/12 i 8/15) i člana 7. stav (2) Uredbe o postupku i načinu pripremanja, izrade i dostavljanja propisa („Službene novine Kantona Sarajevo“, broj 21/11- Novi prečišćeni tekst i 30/11- ispravka), Ministarstvo pravde i uprave razmotrilo je prijedlog ovog zakona, po skraćenom postupku i daje slijedeće

MIŠLJENJE

Prijedlog Zakona o dopunama Zakona o istaknutim samostalnim umjetnicima je propis, kojim se ne povređuju prava zaštićena odredbama Evropske konvencije o zaštiti ljudskih prava i osnovnih sloboda, niti je u suprotnosti sa drugim pravnim aktima, kojima je utvrđena zaštita ljudskih prava i sloboda.

S poštovanjem,



MINISTAR

Enver Smajkan
Enver Smajkan, dipl.pravnik



943 30-04-2015 342

Bosna i Hercegovina
Federacija Bosne i Hercegovine
KANTON SARAJEVO
Ministarstvo finansija



Bosnia and Herzegovina
Federation of Bosnia and Herzegovina
CANTON SARAJEVO
Ministry of Finance

Broj: 08-01-02-7303/15 LE
Sarajevo, 29. 04. 2015. godine

Ministarstvo kulture i sporta
- O v d j e -

PREDMET: Mišljenje na Prijedlog zakona o dopunama Zakona o istaknutim samostalnim umjetnicima

U skladu sa odredbama člana 13. Zakona o organizaciji i djelokrugu organa uprave i upravnih organizacija Kantona Sarajevo („Službene novine Kantona Sarajevo“ br. 2/12-Prečišćeni tekst, 41/12 i 08/15) i člana 3. stav (4) Uredbe o postupku i načinu pripremanja, izrade i dostavljanja propisa („Službene novine Kantona Sarajevo“, br. 21/11-Novi prečišćeni tekst i 30/11-Ispravka), Ministarstvo finansija razmotrilo je Prijedlog navedenog zakona i daje slijedeće

MIŠLJENJE

Prijedlog zakona o dopunama Zakona o istaknutim samostalnim umjetnicima nije u suprotnosti sa finansijskim propisima, te kako su za primjenu istog dostatna planirana sredstva u Budžetu Kantona Sarajevo, to Ministarstvo finansija nema primjedbi na ovaj Prijedlog zakona.

O b r a z l o ž e n j e

Ministarstvo kulture i sporta podnijelo je Ministarstvu, a u skladu sa odredbama Uredbe o postupku i načinu pripremanja, izrade i dostavljanja propisa, Zahtjev za mišljenje broj: 12-40-7276-3/15 od 21.04.2015. godine na Prijedlog zakona o dopunama Zakona o istaknutim samostalnim umjetnicima.

U skladu sa članom 8. Zakona o budžetima u FBiH („Službene novine FBiH“, br. 102/13, 09/14-Ispravka, 13/14 i 08/15) u obrazloženju navedenog Prijedloga zakona, Ministarstvo kulture i sporta dalo je prikaz planiranih finansijskih sredstava potrebnih za provođenje Zakona o istaknutim samostalnim umjetnicima („Službene novine KS“, broj 19/11), kako slijedi: Za provođenje Zakona o istaknutim samostalnim umjetnicima planirana su finansijska sredstva u ukupnom iznosu od cca. 280.000,00 KM u Budžetu Kantona Sarajevo za 2015. godinu („Službene novine KS, broj 13/15) i Dokumentu okvirnog Budžeta KS za period 2015-2017.god. („Služ. novine KS“ broj 26/14), na razdjelu 22 -Ministarstvo kulture i sporta, ekonomski kod 614311, subanalitika MAN 037, funkcionalni kod 0820, uz napomenu da same odredbe zakona o dopunama Zakona o istaknutim samostalnim umjetnicima neće utjecati na finansijska sredstva planirana Budžetom za ovu i naredne 2 (dvije) godine. U skladu sa istim brojem, omogućava da istaknuti samostalni umjetnici besplatno uzmu učešće u kulturnim manifestacijama od interesa za Kanton Sarajevo. Shodno obrazloženom, dato je naprijed navedeno mišljenje.



MINISTAR
Jasmin Halebić
Prof. dr. Jasmin Halebić



web: <http://mf.ks.gov.ba>
e-mail: mf@mf.ks.gov.ba
Tel: + 387 (0) 33 565-005, Cent.+ 387 (0) 33 565-000
Fax: + 387 (0) 33 565-052 i 565-048
Sarajevo, Maršala Tita 62





SLUŽBENE NOVINE

KANTONA SARAJEVO

Godina XVI – Broj 19

Četvrtak, 21. jula 2011. godine
SARAJEVO

ISSN 1512-7052

KANTON SARAJEVO

Skupština Kantona

Na osnovu člana 12. stav 1. tačka c. i člana 18. stav 1. tačka b. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), Skupština Kantona Sarajevo, na sjednici održanoj 21. jula 2011. godine, donijela je

ZAKON

O ISTAKNUTIM SAMOSTALNIM UMJETNICIMA

I - OSNOVNE ODREDBE

Član 1.

(Sadržaj Zakona)

Ovim Zakonom uređuju se uslovi za sticanje statusa istaknutog samostalnog umjetnika, prava i obaveze istaknutih samostalnih umjetnika i druge mjere za podsticanje kulturnog i umjetničkog stvaralaštva na području Kantona Sarajevo (u daljnjem tekstu: Kanton).

Član 2.

(Samostalni umjetnik i istaknuti samostalni umjetnik)

- (1) Samostalni umjetnik u smislu ovog zakona je svaki umjetnik koji se bavi umjetnošću samostalno kao svojim jedinim zanimanjem.
- (2) Istaknuti samostalni umjetnik je umjetnik iz stava (1) ovog člana kome je status istaknutog samostalnog umjetnika priznat u skladu sa odredbama ovog Zakona.

Član 3.

(Opšti uslovi za sticanje statusa istaknutog samostalnog umjetnika)

- (1) Umjetnik u smislu ovog Zakona stiče pravo na status istaknutog samostalnog umjetnika ako ispunjava slijedeće opšte uslove:
 - a) da nije u radnom odnosu;
 - b) da mu je umjetničko stvaralaštvo i djelovanje jedino profesionalno zanimanje;
 - c) da njegov umjetnički opus i umjetnički domlet verifikuje matično umjetničko udruženje, a ukoliko nije član niti jednog udruženja da svoj stvaralački opus dokaže programskom knjižicom ili popisom umjetničkih djela potvrđenim od kulturne institucije, javne ustanove, festivala, galerije ili izdavačke kuće sa međunarodnim referencama;

d) da je državljanin Bosne i Hercegovine koji ima prebivalište i umjetnički djeluje na području Kantona.

- (2) Status istaknutog samostalnog umjetnika stiče se na osnovu uslova utvrđenih u stavu (1) ovog člana i bližih uslova za priznavanje statusa istaknutog samostalnog umjetnika utvrđenih Odlukom iz člana 13. stav (2) ovog Zakona.

Član 4.

(Pravo na udruživanje i organizovanje samostalnih umjetnika)
Samostalni umjetnici se prema područjima umjetničkog stvaralaštva, a u cilju ostvarivanja zajedničkih interesa, mogu udruživati i organizovati u umjetnička i strukovna udruženja i društva, te druge oblike organizovanja.

Član 5.

(Područja umjetničkog stvaralaštva samostalnih umjetnika)

- (1) Područja umjetničkog stvaralaštva samostalnih umjetnika u kojim ostvaruju ovim zakonom propisana prava su: filmsko, muzičko, književno (književno i književno prevodilačko stvaralaštvo), likovno (likovno i primijenjeno likovno stvaralaštvo), izdavačko (scensko, pozorišno i baletno stvaralaštvo), te interdisciplinarno i multimedijalno umjetničko stvaralaštvo.
- (2) Bliži uslovi za priznavanja statusa istaknutog samostalnog umjetnika u područjima umjetničkog stvaralaštva iz stava (1) ovog člana uredit će se odlukom iz člana 13. stav (2) ovog Zakona.

II - PRIZNAVANJE STATUSA ISTAKNUTOG SAMOSTALNOG UMJETNIKA

Član 6.

(Imenovanje Stručne komisije)

- (1) Vlada Kantona Sarajevo (u daljnjem tekstu: Vlada) na prijedlog ministra kulture i sporta Kantona Sarajevo (u daljnjem tekstu: ministar) imenuje Stručnu komisiju (u daljnjem tekstu: Stručna komisija) kao konsultativno tijelo radi rješavanja statusa, prava i obaveza istaknutih samostalnih umjetnika.
- (2) Stručna komisija se imenuje na inicijativu umjetničkih udruženja, društava i javnih ustanova kulture sa sjedištem na području Kantona Sarajevo, a prema području umjetničkog stvaralaštva iz člana 5. ovog Zakona.
- (3) Stalni sastav Stručne komisije čini pet članova i to:
 - a) jedan predstavnik Ministarstva kulture i sporta Kantona Sarajevo (u daljnjem tekstu: Ministarstvo);

- b) četiri istaknuta umjetnika, predstavnika različitih područja umjetnosti iz člana 5. ovog Zakona.

Član 7.

(Promjenjivi članovi Stručne komisije)

- (1) Za svako područje samostalnog umjetničkog djelovanja iz člana 5. ovog Zakona, Vlada na prijedlog ministra, a na Inicijativu udruženja, društava iz člana 4. ovog Zakona, te javnih ustanova kulture sa sjedištem na području Kantona Sarajevo, ovisno o potrebi može imenovati po četiri promjenljiva člana Stručne komisije kada su na dnevnom redu pitanja iz područja njihovog djelovanja.

- (2) Postupak i način rada Stručne komisije uređuje se bliže njenim poslovnikom o radu.

Član 8.

(Sredstva za rad Stručne komisije)

- (1) Sredstva za rad Stručne komisije obezbjeđuju se u Budžetu Kantona Sarajevo (u daljnjem tekstu: Budžet Kantona).

- (2) Visinu naknade za rad Stručne komisije utvrđuje Vlada na prijedlog ministra, a u skladu sa važećim propisima i raspoloživim budžetskim sredstvima.

Član 9.

(Mandat stalnih članova Stručne komisije)

- (1) Mandat stalnih članova Stručne komisije traje četiri godine.

- (2) Stalni članovi Stručne komisije mogu biti razriješeni i prije isteka mandata:

- na vlastiti zahtjev,
- zbog neopravdanog odsustvovanja iz rada Stručne komisije u trajanju dužem od tri mjeseca,
- zbog neurednog i neblagovremenog izvršavanja poslova iz nadležnosti Stručne komisije.

Član 10.

(Rješenje o imenovanju i razrješenju stalnih članova Stručne komisije)

Vlada Kantona donosi Rješenje o imenovanju i razrješenju stalnih članova Stručne komisije u skladu sa čl. 6. do 9. ovog Zakona.

Član 11.

(Zahtjev za sticanje statusa istaknutog samostalnog umjetnika)

- (1) Zainteresovani umjetnik je obavezan podnijeti zahtjev Ministarstvu za sticanje statusa istaknutog samostalnog umjetnika na obrascu koji propisuje ministar.

- (2) Podnosilac zahtjeva je obavezan da, uz zahtjev, priloži i sljedeću dokumentaciju:

- umjetničku biografiju i bibliografiju potvrđenu od strane matičnog udruženja/društva/javne ustanove kulture ili ukoliko nije član niti jednog udruženja da svoj stvaralački opus dokaže programskom knjižicom ili popisom umjetničkih djela potvrđenim od kulturne institucije, javne ustanove, festivala, galerije ili izdavačke kuće sa međunarodnim referencama;
- kopiju dodijeljenih priznanja i nagrada za umjetničko stvaralaštvo;
- mišljenje strukovnog udruženja, društva ili javne ustanove kulture;
- kopiju lične karte i prijave prebivališta;
- potvrdu nadležne službe za zapošljavanje Kantona Sarajevo da je nezaposlen ili kopiju radne knjižice.

Član 12.

(Postupak po zahtjevu za priznavanje statusa istaknutog samostalnog umjetnika)

- (1) Ministarstvo, na prijedlog Stručne komisije, svojim rješenjem utvrđuje status istaknutog samostalnog umjetnika ili odbija zahtjev podnosioca.

- (2) Postupak rješavanja po zahtjevu za priznavanje statusa istaknutog samostalnog umjetnika vodi se skladu sa odredbama ovog Zakona, Zakona o upravnom postupku i Odluke o bližim kriterijima za priznavanje statusa istaknutih samostalnih umjetnika.

- (3) Protiv rješenja iz stava (1) ovog člana, a u roku od 15 dana od njegovog dostavljanja, dozvoljena je žalba ministru.

- (4) Rješenje ministra je konačno u upravnom postupku i protiv njega se može voditi upravni spor kod nadležnog suda.

Član 13.

(Bliži uslovi za priznavanje statusa)

- (1) Kandidat za priznavanje statusa istaknutog samostalnog umjetnika pored opštih uslova iz člana 3. stav (1) al. a), b), c) i d) ovog Zakona mora ispunjavati i sljedeće uslove:

- javno umjetnički djelovati najmanje tri godine;
- ostvariti međunarodne i domaće nagrade i priznanja za svoje umjetničko djelovanje;
- pribaviti preporuku matičnog umjetničkog udruženja, društva ili javne ustanove ili mišljenje odgovarajućeg umjetničkog udruženja o vrijednosti njegovog umjetničkog stvaralaštva ili ukoliko nije član niti jednog udruženja da svoj stvaralački opus dokaže programskom knjižicom ili stvaralačkim djelima potvrđenim od kulturne institucije, javne ustanove, festivala, galerije ili izdavačke kuće sa međunarodnim referencama.

- (2) Bliže uslove za priznavanje statusa istaknutih samostalnih umjetnika utvrđuje Vlada Kantona Odlukom o bližim kriterijima za priznavanje statusa istaknutih samostalnih umjetnika za svako pojedino područje umjetničkog stvaralaštva, a na usaglašen prijedlog postojećih udruženja/društava koji okupljaju samostalne umjetnike na području Kantona Sarajevo.

Član 14.

(Pravo na uplatu doprinosa)

- (1) Pod uslovima utvrđenim ovim Zakonom, istaknuti samostalni umjetnik sa priznatim statusom ostvaruje pravo na uplatu doprinosa za penzijsko i invalidsko, te zdravstveno osiguranje u skladu sa odredbama zakona kojim se uređuje uplata doprinosa za samostalna zanimanja iz Budžeta Kantona i u granicama sredstava planiranih Budžetom Kantona za ovu namjenu.

- (2) Istaknuti samostalni umjetnik za ostvarivanje prava iz stava (1) ovog člana, potrebno je da Ministarstvu podnese:

- ovjerenu izjavu datu pod moralnom i materijalnom odgovornošću da je prijavio sve svoje prihode poreskoj upravi;
- dokaze o kontinuiranom umjetničkom djelovanju;
- poresko uvjerenje.

Član 15.

(Pravo na uplatu doprinosa)

- (1) Pravo na uplatu doprinosa za penzijsko-invalidsko osiguranje i zdravstveno osiguranje iz Budžeta Kantona za tekuću godinu ima istaknuti samostalni umjetnik koji kontinuirano djeluje, te podnese dokumentovan izvještaj u skladu sa odredbama člana 11. stav (2) o svom umjetničkom djelovanju u prethodnoj kalendarskoj godini najkasnije do 31. decembra prethodne godine.

- (2) Istaknuti samostalni umjetnik može uplaćivati doprinos za svoje dobrovoljno penzijsko invalidsko osiguranje u skladu sa odredbama zakona i drugih propisa kojim se uređuje penzijsko-invalidsko osiguranje, ukoliko nisu ispunjeni uslovi da mu se doprinosi uplaćuju iz Budžeta.

Član 16.

(Odluka o uslovima i postupku priznavanja statusa)
Odluku o uslovima i postupku priznavanja prava istaknutih samostalnih umjetnika na uplatu doprinosa iz Budžeta Kantona Sarajevo (u daljnjem tekstu: Odluka) donosi Vlada, na prijedlog Ministarstva, a na inicijativu postojećih umjetničkih udruženja registrovanih na području Kantona koja udružuju samostalne umjetnike.

III - DRUGA PRAVA I OBAVEZE SAMOSTALNIH UMJETNIKA

Član 17.

(Obavljanje djelatnosti samostalno i u saradnji)
Samostalni umjetnik ima pravo da svoju umjetničku djelatnost obavlja samostalno ili u saradnji sa fizičkim i pravnim licima koja iskazuju interes za njihov umjetnički rad, a naročito: umjetničkim udruženjima/društvima, izdavačkim kućama, njihovim menadžmentima, agentima, filmskim producentima i distributerima, pozorištima, umjetničkim galerijama i drugim umjetničkim i kulturnim institucijama.

Član 18.

(Zaključivanje ugovora)
Samostalni umjetnik ima pravo i obavezu da sa pravnim i fizičkim licima iz člana 17. ovog Zakona zaključuje autorske, sponzorske, donatorske, kupoprodajne i druge poslovne ugovore u zemlji i inostranstvu shodno važećim zakonima i drugim propisima.

Član 19.

(Izvoz i iznošenje umjetničkih djela u inostranstvo)
Samostalni umjetnik ima pravo izvoziti i iznositi u inostranstvo, priređivati samostalne i grupne izložbe, prodavati u inostranstvu, te javnosti prezentovati u svim oblicima stvaralaštva sopstveno umjetničko djelo shodno ovom Zakonu, kao i zakonima i drugim propisima kojim se uređuju vanjsko-trgovinski odnosi i autorska prava.

Član 20.

(Otvaranje žiro i deviznog računa i poslovanje)
(1) Samostalni umjetnik ima pravo i obavezu da za potrebe svog umjetničkog djelovanja otvori žiro i devizni račun shodno važećim propisima u oblasti bankarskih usluga.
(2) Pri kupovini sredstava za rad u zemlji i inostranstvu, kao i istraživačkih projekata u zemlji i inostranstvu, ulaganje sopstvenih sredstava u umjetničke projekte priznaje se kao trošak i ne ulazi u neto prihod.

Član 21.

(Štambilj istaknutog samostalnog umjetnika)
Istaknuti samostalni umjetnik ima pravo na pravougaoni štambilj standardnih dimenzija na kojem je utisnuto: "KANTON SARAJEVO - ISTAKNUTI SAMOSTALNI UMJETNIK", te ime i prezime i umjetnička oblast, na jednom od jezika i pisama koji su u službenoj upotrebi u Bosni i Hercegovini i na jednom od stranih pisama, koji odabere istaknuti samostalni umjetnik, a koji koristi pod punom moralnom, materijalnom i krivičnom odgovornošću.

Član 22.

(Naknada plaće za slučaj bolesti i privremene nesposobnosti za rad)
(1) U slučaju privremene spriječenosti za rad zbog bolesti u dužem trajanju od 42 radna dana, istaknuti samostalni umjetnik ima pravo na novčanu naknadu iz sredstava Zavoda za zdravstvenu zaštitu Kantona Sarajevo u skladu sa odredbama zakona kojim se uređuje zdravstveno osiguranje i ovog Zakona.
(2) U slučaju privremene spriječenosti za rad zbog porodijskog odsustva, istaknutom samostalnom umjetniku pripadaju prava na naknade iz sredstava Zavoda za zdravstvenu zaštitu

Kantona Sarajevo po osnovu uplate doprinosa za zdravstveno osiguranje, po postupku, na način i u rokovima priznatim posebnim propisima iz oblasti zdravstvenog osiguranja.

Član 23.

(Pravo na penziju i otpremninu)

- (1) Istaknuti samostalni umjetnik ima pravo na penziju u skladu sa Zakonom i drugim propisima kojim se uređuje penzijsko invalidsko osiguranje.
- (2) U slučaju kada istaknuti samostalni umjetnik ispunio uslove za odlazak u penziju, u tom slučaju, pripada mu pravo na isplatu otpremnine u visini tri prosječne netto plaće ostvarene u prethodnom mjesecu u Kantonu Sarajevo.
- (3) Sredstva iz stava (2) ovog člana isplaćuju se iz Budžeta Kantona.

IV - PRESTANAK PRAVA I MIROVANJE PRAVA ISTAKNUTIH SAMOSTALNIH UMJETNIKA

Član 24.

(Prestanak prava na uplatu doprinosa)

- (1) Prestanak prava istaknutom samostalnom umjetniku na uplatu doprinosa nastupa:
 - a) na vlastiti zahtjev, na određeni rok ili trajno;
 - b) ako zasnjuje radni odnos;
 - c) ako boravi u inostranstvu u trajanju dužem od šest mjeseci u kontinuitetu;
 - d) ako ispunjava uslove za penziju;
 - e) ako u toku prethodne kalendarske godine nije umjetnički djelovao;
 - f) ako započne redovan studij;
 - g) ako ode na studijsko putovanje ili usavršavanje u inostranstvo u trajanju dužem od 24 mjeseca;
 - h) ako se u postupku revizije utvrdi da ne ispunjava uslove u skladu sa kriterijima iz ovog zakona;
 - i) ako bude pravosnažnom odlukom nadležnog suda upućen da izdržava kaznu zatvora u trajanju dužem od šest mjeseci.
- (2) U slučaju dugotrajne bolesti istaknutom samostalnom umjetniku ne prestaje status istaknutog samostalnog umjetnika do konačnog izliječenja ili penzionisanja.
- (3) Boravkom u inostranstvu, u trajanju dužem od šest mjeseci u kontinuitetu, smatra se boravak za koji je istaknuti samostalni umjetnik dobio dozvolu za produženje privremenog boravka ili za trajno nastanjenje, što se dokazuje potvrdom od strane odgovarajućeg predstavništva Bosne i Hercegovine u državi u kojoj boravi.
- (4) Istaknuti samostalni umjetnik koji je boravio u inostranstvu duže od šest mjeseci ili na studijskom putovanju ili usavršavanju dužan je dostaviti odjavu boravka iz zemlje u kojoj je boravio.

Član 25.

(Mirovanje prava na uplatu doprinosa za istaknutog samostalnog umjetnika)

- Mirovanje prava na uplatu doprinosa za istaknutog samostalnog umjetnika nastupa:
- a) ako je izabran za funkcionera i imenovan od strane skupštine, odnosno drugih državnih, entitetskih, kantonalnih, gradskih ili općinskih organa ili tijela - do prestanka mandata;
 - b) ako zasnjuje radni odnos u trajanju od najduže jedne godine, do prestanka radnog odnosa, odnosno do isteka jedne godine;
 - c) ako izdržava kaznu zatvora do šest mjeseci.

Član 26.

(Obnavljanje prava na uplatu doprinosa)

- (1) Istaknuti samostalni umjetnik kojem je pravo na uplatu doprinosa mirovalo, za obnavljanje prava na uplatu doprinosa treba podnijeti zahtjev Ministarstvu u roku od 15 dana od dana kada su prestali razlozi za mirovanje.
- (2) Ako istaknuti samostalni umjetnik ne podnese zahtjev u roku iz stava (1) ovog člana, ministar donosi rješenje o prestanku prava na uplatu doprinosa.

V - MJERE ZA PROVOĐENJE ZAKONA

Član 27.

(Prestanak statusa istaknutog samostalnog umjetnika)

Istaknutom samostalnom umjetniku prestaje status kojim se priznaje pravo na uplatu doprinosa i druga prava priznata ovim Zakonom, ako nepotpuno ili netačno prikaže svoju materijalnu situaciju iz čl. 14. i 15. stav (1) ovog Zakona.

Član 28.

(Prestanak prava na uplatu doprinosa)

- (1) Rješenje o prestanku prava na uplatu doprinosa u slučajevima iz člana 24. stav (1), čl. 25., 26., 27. i 29. ovog Zakona donosi ministar.
- (2) Protiv rješenja iz stava (1) ovog člana, a u roku od 15 dana od njegovog dostavljanja, dozvoljena je žalba ministru.
- (3) Rješenje ministra je konačno u upravnom postupku i protiv njega se može voditi upravni spor kod nadležnog suda.

Član 29.

(Revizija priznatih prava istaknutih samostalnih umjetnika)

- (1) Stručna komisija će svake godine po službenoj dužnosti izvršiti reviziju priznatih prava istaknutih samostalnih umjetnika na uplatu doprinosa iz Budžeta Kantona, a na osnovu relevantne dokumentacije koju je istaknuti samostalni umjetnik dužan priložiti u skladu sa odredbama ovog Zakona.
- (2) Ako istaknuti samostalni umjetnik u ostavljenom roku ne dostavi dokumentaciju iz stava (1) ovog člana prestaje mu status priznat ovim Zakonom.

Član 30.

(Dobrovoljno osiguranje)

Samostalni umjetnik koji po odredbama ovog Zakona ne ostvaruje pravo na uplatu doprinosa iz Budžeta Kantona, ima pravo lično uplaćivati te doprinose.

Član 31.

(Registar istaknutih samostalnih umjetnika)

- (1) Ministarstvo vodi registar istaknutih samostalnih umjetnika.
- (2) Sadržaj i način vođenja registra iz stava (1) ovog člana propisuje Vlada, Odlukom iz člana 32. tačka b) ovog Zakona.

VI - PRIJELAZNE I ZAVRŠNE ODREDBE

Član 32.

(Obaveza donošenja Odluka)

Obavezuje se Vlada, da u roku od tri mjeseca od dana stupanja na snagu ovog Zakona, donese:

- a) Odluku o uslovima i postupku priznavanja prava istaknutih samostalnih umjetnika na uplatu doprinosa iz Budžeta Kantona Sarajevo;
- b) Odluku o sadržaju i vođenju registra istaknutih samostalnih umjetnika;
- c) Odluku o bližim kriterijima za priznavanje statusa istaknutih samostalnih umjetnika.

Član 33.

(Obaveza ažuriranja Registra)

Ministarstvo će ažurirati Registar istaknutih samostalnih umjetnika u roku od 60 dana od dana donošenja odluke iz člana 32. tačka b) ovog Zakona.

Član 34.

(Zadržavanje stečenih prava)

- (1) Samostalni umjetnici kojima je do dana stupanja na snagu ovog Zakona priznato pravo na uplatu doprinosa, zadržavaju to pravo do okončanja postupka prve redovne godišnje revizije.
- (2) O daljnjem ostvarivanju toga prava odlučit će se prema odredbama ovog Zakona.
- (3) Nakon navršenih 60 godina života, status istaknutog samostalnog umjetnika ne može biti predmet revizije.

Član 35.

(Ostvarivanje prava nakon okončanja revizije)

Istaknuti samostalni umjetnici iz člana 34. stav (1) ovog Zakona, a koji ispunjavaju uslove po ovom Zakonu, nastavljaju ostvarivati prava iz ovog Zakona od dana izvršene prve godišnje revizije.

Član 36.

(Prestanak primjene prethodnog Zakona)

Danom stupanja na snagu ovog Zakona, na području Kantona Sarajevo prestaje primjena Zakona o samostalnim umjetnicima ("Službene novine Kantona Sarajevo", broj 20/01).

Član 37.

(Ravnopravnost spolova)

- (1) Gramatička terminologija korišćenja ženskog i muškog roda podrazumijeva uključivanje oba roda.
- (2) Kod imenovanja organa udruženja obezbijedit će se proporcionalna zastupljenost konstitutivnih naroda i ostalih, kao i ravnopravna zastupljenost spolova.

Član 38.

(Stupanje na snagu ovog Zakona)

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-22456/11
21. jula 2011. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), Skupština Kantona Sarajevo, na sjednici održanoj 21. jula 2011. godine, donijela je

ZAKON

**O IZMJENAMA ZAKONA O KANTONALNOJ
AGENCIJI ZA PRIVATIZACIJU**

Član 1.

U Zakonu o Kantonalnoj agenciji za privatizaciju ("Službene novine Kantona Sarajevo", br. 6/97 i 7/00) u članu 9. u stavu 2. riječi: "šest članova" zamjenjuju se riječima: "četiri člana".

Član 2.

U članu 11a. u stavu 2. riječ "četiri" zamjenjuje se riječju "dva".

Član 3.

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-22458/11
21. jula 2011. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.

- c) za rad noću 35%,
d) za rad u dane državnih praznika 50%.
- (2) Naknade odnosno uvećanja plaće iz stava (1) ovog člana ostvaruju se donošenjem rješenja u kome će biti precizno naznačeni vrsta poslova, period obavljanja poslova i broj izvršilaca poslova.

Član 3.

(Mjesečna karta za prijevoz na posao i sa posla)

- (1) Državnom službeniku i namješteniku kome nije organiziran prijevoz na posao i sa posla, a čije je mjesto stanovanja udaljeno od mjesta rada najmanje dva kilometra a najdalje u granicama Kantona Sarajevo, pripada mjesečna karta za prijevoz.
- (2) Pravo na mjesečnu kartu za prijevoz u međugradskom saobraćaju imaju oni državni službenici i namještenici koji dolaze na posao iz mjesta prebivališta koje se nalazi van područja u kome je mjesto sjedišta kantonalnih organa uprave.
- (3) Pravo u slučaju iz stava (2) ovog člana ostvaruje se na osnovu pismenog zahtjeva državnog službenika, odnosno namještenika u kojem se navodi adresa stvarnog stanovanja, dokaz o prebivalištu (prijava CIPS-a).
- (4) Uz zahtjev se prilaže pismeni dokaz firme čiji se prijevoz koristi za dolazak na posao i povratak sa posla (dnevna ili mjesečna karta).
- (5) Ukoliko zaposlenik koristi više prijevoznih sredstava od mjesta stanovanja do mjesta rada, organ u kojem je zaposlen dužan je da mu obezbijedi mjesečnu kartu odgovarajućeg prijevoznika, koja je najpovoljnija za zaposlenika.

Član 4.

(Naknada za slučaj povrede na radu, teške invalidnosti i teške bolesti)

- (1) U slučaju nastanka povrede na radu, teške invalidnosti ili teške bolesti državnog službenika i namještenika, ili člana njegove uže porodice, jednom godišnje isplaćuje mu se jednokratna novčana pomoć u skladu sa članom 32. Zakona.
- (2) Državnom službeniku, odnosno namješteniku može se, u skladu sa raspoloživim sredstvima i na osnovu saglasnosti rukovodioca organa uprave, isplatiti dio ili ukupni troškovi liječenja teške invalidnosti ili teške bolesti u zdravstvenoj ustanovi u kojoj je on platio troškove toga liječenja. Troškovi liječenja isplaćuju se na osnovu fakture ili računa zdravstvenih ustanova u kojima je liječenje obavljeno.
- (3) Pod teškom bolešću iz st. (1) i (2) ovog člana, podrazumijevaju se sljedeće bolesti: akutna tuberkuloza, maligna oboljenja, endemska nefropatija, hirurška intervencija na srcu i mozgu, sve vrste degenerativnih oboljenja centralnog nervnog sustava, infarkt (srčani i moždani), oboljenje mišićnog sustava, paraliza i druge teške bolesti određene općim aktom Federalnog ministarstva zdravstva, kao i teške tjelesne povrede. Bolesti, odnosno tjelesna povreda se dokazuje na osnovu dijagnoze i potvrde nadležne zdravstvene ustanove i zdravstvene komisije za kvalifikaciju težine bolesti - JU "Zavod za zdravstvenu zaštitu zaposlenika MUP-a Kantona Sarajevo".
- (4) Pravo na jednokratnu novčanu pomoć iz stava (1) ovog člana, na osnovu teške invalidnosti ostvaruje se za utvrđeni stepen invalidnosti od najmanje 60%.

Odjeljak B. Rješavanje o naknadama i drugim materijalnim pravima

Član 5.

(Rješenje)

- (1) Naknade i druga materijalna prava predviđena u odredbama čl. 2. i 4. ove uredbe ostvaruju se donošenjem rješenja.
- (2) Rješenje iz stava (1) ovog člana donosi rukovodilac kantonalnog organa uprave u kojem se državni službenik, odnosno namještenik nalazi u službi.

DIO III. PRIJELAZNE I ZAVRŠNE ODREDBE

Član 6.

(Primjena Uredbe)

- (1) Naknade i druga materijalna prava utvrđena ovom uredbom, odnose se i na izabrane dužnosnike, nosioce izvršnih funkcija, savjetnike, pravobranioca i zamjenika pravobranioca.
- (2) Odredbe člana 3. ove uredbe odnose se na sve budžetske korisnike koji se u potpunosti ili djelimično finansiraju iz budžeta Kantona.
- (3) Vlada Kantona će posebnim zaključkom utvrditi izuzetke od primjene člana 3. ove uredbe.

Član 7.

(Prestanak važenja)

Danom stupanja na snagu ove uredbe prestaje da važi Uredba o posebnom dodatku na plaću ("Službene novine Kantona Sarajevo", broj 25/09 - Prečišćeni tekst i broj 24/10) i Uredba o posebnom dodatku na plaću ("Službene novine Kantona Sarajevo", br. 35/07 i 4/08).

Član 8.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-05-2181-6/12
09. februara 2012. godine
Sarajevo

Premijer
Fikret Musić, s. r.

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst) u vezi sa čl. 37. i 47. Zakona o plaćama i naknadama u organima vlasti Kantona Sarajevo ("Službene novine Kantona Sarajevo", broj 33/11), Vlada Kantona Sarajevo, na 54. sjednici održanoj 09.02.2012. godine, donijela je

ODLUKU

O PRESTANKU VAŽENJA ODLUKA VLADE
KANTONA SARAJEVO

I

Odluka o utvrđivanju platnih razreda i koeficijenata za plaće rukovodećih i ostalih državnih službenika u kantonalnim organima državne službe ("Službene novine Kantona Sarajevo", br. 35/07, 4/09 i 15/09), Odluka o utvrđivanju platnih razreda i koeficijenata za plaće namještenika u kantonalnim organima državne službe ("Službene novine Kantona Sarajevo", br. 35/07 i 4/09) i Odluka o načinu ostvarivanja prava na naknadu za prijevoz na posao i sa posla ("Službene novine Kantona Sarajevo", br. 40/08 i 23/11) prestaju da važe.

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-2181-7/12
09. februara 2012. godine
Sarajevo

Premijer
Fikret Musić, s. r.

Na osnovu čl. 22. i 24. stav 2 Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst) i člana 31. stav (2) Zakona o istaknutim samostalnim umjetnicima ("Službene novine Kantona Sarajevo", broj 19/11), Vlada Kantona Sarajevo, na 53. sjednici održanoj 02.02.2012. godine, donijela je

Član 7.

(Stupanje na snagu)

Ova odluka stupa na snagu danom objavljivanja u "Službenim novinama Kantona Sarajevo".

Broj 02-05-1720-2.2/12
02. februara 2012. godine
SarajevoPremijer
Fikret Musić, s. r.

Na osnovu čl. 22. i 24. stav (2) Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst) i člana 16. Zakona o istaknutim samostalnim umjetnicima ("Službene novine Kantona Sarajevo", broj 19/11), Vlada Kantona Sarajevo, na 53. sjednici održanoj 02.02.2012. godine, donijela je

ODLUKU**O USLOVIMA I POSTUPKU PRIZNAVANJA PRAVA
ISTAKNUTIH SAMOSTALNIH UMJETNIKA NA
UPLATU DOPRINOSA IZ BUDŽETA KANTONA****I - OSNOVNE ODREDBE**

Član 1.

(Sadržaj Odluke)

- (1) Ovom odlukom ureduju se uslovi i utvrđuje postupak za priznavanje prava istaknutih samostalnih umjetnika na uplatu doprinosa za penzijsko i invalidsko, te zdravstveno osiguranje (u daljem tekstu: doprinosi) iz sredstava budžeta Kantona Sarajevo, a čije umjetničko stvaralaštvo i djelovanje predstavlja poseban doprinos kulturi i umjetnosti Kantona Sarajevo, Federacije Bosne i Hercegovine i Bosne i Hercegovine.
- (2) Odlukom se detaljnije utvrđuje način i postupak imenovanja stručne komisije kao konsultativnog tijela ministra kulture i sporta Kantona Sarajevo (u daljem tekstu: ministar).

Član 2.

(Pravo podnošenja zahtjeva za uplatu doprinosa)

- (1) Istaknuti samostalni umjetnik koji ispunjava uslove iz člana 2. stav (2) i čl. 3 i 13. stav (1) Zakona o istaknutim samostalnim umjetnicima (u daljem tekstu: Zakon) ima pravo podnijeti Ministarstvu kulture i sporta Kantona Sarajevo (u daljem tekstu: Ministarstvo) zahtjev da mu se doprinosi plaćaju iz sredstava budžeta Kantona Sarajevo.
- (2) Zahtjev iz stava (1) ovog člana rješava Ministarstvo u postupku i prema uslovima propisanim ovom odlukom koji se podnosi na propisanom obrascu (Obr. Z - 1) koji je sastavni dio ove odluke.
- (3) Ministarstvo provodi i postupak revizije priznatih prava istaknutih samostalnih umjetnika po odredbama ove odluke.
- (4) Zahtjev za reviziju priznatih prava istaknutog samostalnog umjetnika podnosi se na propisanom obrascu (Obr. Z - 2) koji je sastavni dio ove odluke.

II - DJELOKRUG I NAČIN RADA STRUČNE KOMISIJE

Član 3.

(Predlaganje kandidata za članove stručne komisije)

- (1) Stalne članove stručne komisije i promjenjive članove stručne komisije na poziv Ministarstva predlažu: udruženja, društva, javne ustanove kulture i istaknuti pojedinci.
- (2) Stalna stručna komisija ima pet članova od kojih je jedan obavezno iz Ministarstva.
- (3) Promjenjivi članovi stručne komisije sazivaju se po potrebi radi davanja mišljenja o specifičnim pitanjima strukovne djelatnosti.

Član 4.

(Sjednice stručne komisije)

- (1) Stručna komisija radi u sjednicama.
- (2) Stručna komisija ima predsjednika.

- (3) Sjednice stručne komisije saziva predsjednik komisije na prijedlog ministra najkasnije do 30. oktobra.
- (4) Stručna komisija može raditi u prisustvu većine stalnih članova komisije.
- (5) Razmatranje zahtjeva samostalnog umjetnika je javno. Stručna komisija razmatra sljedeće zahtjeve:
 - a) zahtjev za sticanje statusa istaknutog samostalnog umjetnika;
 - b) zahtjev za reviziju statusa istaknutog samostalnog umjetnika;
 - c) zahtjev za mirovanje statusa istaknutog samostalnog umjetnika;
 - d) zahtjev za prestanak statusa istaknutog samostalnog umjetnika.
- (6) Odluka o davanju preporuke Ministarstvu donosi se 2/3 (dvoćetinskom) većinom glasova prisutnih članova.
- (7) O radu stručne komisije vodi se zapisnik. Sva ostala pitanja postupka i načina rada stručne komisije ureduju se Poslovnikom stručne komisije.

Član 5.

(Mandat članova stručne komisije)

- (1) Mandat članova stručne komisije traje 4 (četiri) godine.
- (2) Zbog nesavjesnog i neurednog obavljanja dužnosti, članovi stručne komisije mogu biti opozvani tokom mandata, a na prijedlog predsjednika Stručne komisije.
- (3) Opoziv člana stručne komisije vrši se po postupku i na način po kojem je izvršeno imenovanje.

**III - POSTUPAK PRIZNAVANJA PRAVA SAMOSTALNIH
UMJETNIKA NA UPLATU DOPRINOSA**

Član 6.

(Uslovi za sticanje prava na uplatu doprinosa)

- (1) Da bi istaknuti samostalni umjetnik stekao pravo na uplatu doprinosa uz bavljenje umjetničkim stvaralaštvom i djelovanjem kao jedinim zanimanjem, mora ispuniti uslove propisane kriterijumima iz čl. 13. i 14. Zakona i odluke kojom Vlada Kantona uređuje bliže kriterije za priznavanje statusa istaknutih samostalnih umjetnika.
- (2) Smatrat će se da bavljenje umjetničkim stvaralaštvom i djelovanjem nije samostalnom umjetniku jedino zanimanje ako je u prethodnoj godini ostvario plaću izvan umjetničkog stvaralaštva i djelovanja u iznosu većem od prosječno ostvarene neto plaće zaposlenika u Kantonu Sarajevo.
- (3) Zahtjev za priznavanje prava na uplatu doprinosa za sljedeću godinu podnosi se Ministarstvu najdalje do 31. oktobra tekuće godine na obrascu (Obr. Z - 1).

Član 7.

(Sadržaj zahtjeva)

Zahtjev istaknutog samostalnog umjetnika za priznavanje prava treba sadržavati:

- a) pismenu prijavu s ličnom i umjetničkom biografijom.
- b) iscrpan opis umjetnikovog javnog djelovanja uz cjelovitu dokumentaciju o osnovnom umjetnikovom stvaralaštvu, a posebno u posljednje tri godine.
- c) popis ostvarenih međunarodnih i domaćih nagrada i priznanja za svoje umjetničko djelovanje.
- d) preporuku matičnog umjetničkog udruženja, društva ili javne ustanove ili mišljenje odgovarajućeg umjetničkog udruženja o vrijednosti njegovog umjetničkog stvaralaštva ili ukoliko nije član niti jednog udruženja da svoj stvaralački opus dokaže programskom knjižicom ili stvaralačkim djelima potvrđenim od kulturne institucije, javne ustanove, festivala, galerije ili izdavačke kuće sa međunarodnim referencama.
- e) potvrdu ili uvjerenje poreske uprave o tome da li je podnosilac zahtjeva u prethodnoj godini bio poreski obveznik, koje vrste, i ostvareni dohodak od neumjetničke djelatnosti.

- f) ovjerenu izjavu datu pod moralnom i materijalnom odgovornošću da je prijavio sve svoje prihode poreskoj upravi.

Član 8.

(Javno objavljeno i priznato umjetničko stvaralaštvo)

- (1) Stručna komisija će razmatrati cjelokupno javno objavljeno i priznato umjetničko stvaralaštvo i djelovanje podnosioca zahtjeva.
- (2) Pri razmatranju umjetničkog stvaralaštva i javnog djelovanja podnosioca zahtjeva za utvrđivanje prava po odredbama ove odluke, stručna komisija potvrđuje da li njegovo umjetničko djelovanje predstavlja poseban doprinos kulturi i umjetnosti Sarajeva, Federacije Bosne i Hercegovine i Bosne i Hercegovine.

Član 9.

(Preporuka stručne komisije)

Stručna komisija daje preporuku Ministarstvu u vezi sa zahtjevom samostalnog umjetnika u postupku i prema uslovima propisanim Zakonom i ovom odlukom.

Član 10.

(Donošenje rješenja o priznavanju prava na uplatu doprinosa)

- (1) Na osnovu ove preporuke stručne komisije, Ministarstvo može donijeti rješenje o priznavanju prava na uplatu doprinosa u korist istaknutog samostalnog umjetnika.
- (2) Na osnovu rješenja Ministarstva vrši se prijavljivanje istaknutih samostalnih umjetnika prema mjestu prebivališta Federalnom zavodu penzijskog/mirovinskog i invalidskog osiguranja Sarajevo, te Kantonalnom zavodu zdravstvenog osiguranja Sarajevo, čime istaknuti samostalni umjetnik stiče pravo na korištenje penzijskog i invalidskog osiguranja te pravo na korištenje zdravstvene zaštite.

Član 11.

(Pravo na uplatu doprinosa)

Pravo na uplatu doprinosa pripada istaknutom samostalnom umjetniku od prvog dana naredne godine u odnosu na godinu podnošenja zahtjeva, odnosno od dana prestanka radnog odnosa.

Član 12.

(Dokumentacija potrebna za prijavu na osiguranje)

- (1) Samostalni umjetnik kojem je priznato pravo na uplatu doprinosa treba najkasnije u roku od 15 dana podnijeti Ministarstvu potrebnu dokumentaciju za prijavu na osiguranje Federalnom zavodu penzijskog/mirovinskog i invalidskog osiguranja, te Kantonalnom zavodu za zdravstveno osiguranje Sarajevo.
- (2) Smatrat će se da je istaknuti samostalni umjetnik odustao od zahtjeva za priznavanje prava na uplatu doprinosa ukoliko u roku iz stava (1) ovoga člana ne podnese potrebnu dokumentaciju, te će se rješenje o priznavanju toga prava staviti van snage.
- (3) Ministarstvo dostavlja redovno Federalnom zavodu penzijskog/mirovinskog i invalidskog osiguranja, te Kantonalnom zavodu za zdravstveno osiguranje Sarajevo kopiju rješenja o priznatom statusu istaknutog samostalnog umjetnika i drugu potrebnu dokumentaciju radi ostvarivanja priznatih prava.

Član 13.

(Sredstva odobrena budžetom Kantona Sarajevo)

Svake godine po donošenju budžeta Kantona Sarajevo, Ministarstvo obavještava odgovarajuća strukovna udruženja o odobrenim sredstvima za uplatu doprinosa istaknutim samostalnim umjetnicima.

IV - POSTUPAK REVIZIJE

Član 14.

(Revizija priznatih prava istaknutih samostalnih umjetnika)

- (1) Ministarstvo će svake godine po službenoj dužnosti, putem stručne komisije, provesti reviziju priznatih prava svih istaknutih samostalnih umjetnika na uplatu doprinosa.
- (2) Istaknutom samostalnom umjetniku kojem je priznato pravo na uplatu doprinosa, Ministarstvo će provesti reviziju priznatih prava u odnosu na njegovo umjetničko stvaralaštvo u skladu sa odredbama čl. 3., 24. i 29. Zakona, a prema kriterijima iz posebne odluke koju donosi Vlada Kantona.
- (3) U provođenju revizije Ministarstvo može kombinovati kriterije u okviru srodnih područja umjetničkog stvaralaštva obuhvaćenih posebnom odlukom, uz uslov da su za svako umjetničko područje pretežno ostvareni propisani kriteriji.

Član 15.

(Umjetničko stvaralaštvo kao jedino i glavno zanimanje)

- (1) Istaknuti samostalni umjetnik mora se baviti umjetničkim stvaralaštvom kao jediniim i glavnim zanimanjem i javno umjetnički djelovati prema kriterijima iz čl. od 1. do 9. ove odluke, s tim da samostalni umjetnik kome je to pravo priznato u prethodnom periodu zadržava to pravo sve do trenutka kada prestane ispunjavati uslove utvrđene ovom odlukom i Zakonom.
- (2) Istaknuti samostalni umjetnik obavezan je podnijeti zahtjev za reviziju statusa istaknutog samostalnog umjetnika na propisanom obrascu (Obr. Z - 2) najkasnije do 15. decembra tekuće godine.

Član 16.

(Vrijeme provedeno na bolovanju i porodiljskom odsustvu)

U postupku revizije uzima se u obzir vrijeme provedeno na bolovanju duže od jedne godine ili porodiljskom odsustvu tako što će se vrijeme mirovanja statusa i prava produžavati srazmjerno vremenu provedenom na navedenom odsustvu.

Član 17.

(Dokazi o umjetničkom djelovanju za posljednje četiri godine)

- (1) Uz popunjen obrazac (Obr. Z - 2) i potrebnu dokumentaciju za reviziju prava istaknutih samostalnih umjetnika, svaki istaknuti samostalni umjetnik mora priložiti potpisanu izjavu, podatke i dokaze o svom umjetničkom djelovanju u posljednje četiri godine.
- (2) Potrebnu dokumentaciju iz stava (1) ovog člana istaknuti samostalni umjetnik dužan je dostaviti stručnoj komisiji u roku od 30 dana po dobivenoj obavijesti o pokretanju postupka revizije.

Član 18.

(Izuzeci od obaveze revizije statusa istaknutog samostalnog umjetnika)

- (1) Umjetničko stvaralaštvo istaknutog samostalnog umjetnika ne podliježe kriterijima za reviziju priznatih prava nakon navršanih 60 godina života, kao i nakon isteka određenog broja godina javnog umjetničkog djelovanja na njegovom primarnom umjetničkom području, i to:
 - a) baletno-plesni umjetnici nakon 20 godina,
 - b) muzičko-scenski umjetnici nakon 25 godina,
 - c) svi ostali umjetnici nakon 30 godina.
- (2) Iako umjetničko stvaralaštvo i javno umjetničko djelovanje istaknutog samostalnog umjetnika iz stava (1) ovoga člana ne podliježe reviziji, istaknuti samostalni umjetnik je dužan svake godine matičnom umjetničkom udruženju i stručnoj komisiji na njen poziv predložiti podatke i činjenice o svom umjetničkom djelovanju.

Član 19.

(Rješenje o provedenoj reviziji)

O rezultatima revizije prava istaknutih samostalnih umjetnika, Ministarstvo donosi rješenje koje se dostavlja

istaknutom samostalnom umjetniku, matičnom umjetničkom udruženju i Federalnom zavodu penzijskog/ mirovinskog i invalidskog osiguranja, te Kantonalnom zavodu za zdravstveno osiguranje Sarajevo.

Član 20.

(Podnošenje zahtjeva za prestanak ili mirovanje postupka)

- (1) U slučajevima iz člana 24. Zakona, istaknuti samostalni umjetnik je obavezan podnijeti zahtjev za prestanak statusa istaknutog samostalnog umjetnika na propisanom obrascu (Obr. Z - 4) koji je sastavni dio ove odluke.
- (2) U slučajevima iz člana 25. Zakona, istaknuti samostalni umjetnik je obavezan podnijeti zahtjev za mirovanje statusa istaknutog samostalnog umjetnika na propisanom obrascu (Obr. Z - 3) koji je sastavni dio ove odluke.

V - PRELAZNE I ZAVRŠNE ODREDBE

Član 21.

(Obaveza usaglašavanja opštih akata)

- (1) Postojeća umjetnička udruženja dužna su da usaglase svoja opšta akta sa odredbama ove odluke, u roku od 30 dana od dana njenog stupanja na snagu.

- (2) Umjetnici koji su imali status samostalnog umjetnika po prethodno važećem Zakonu i Pravilniku dužni su podnijeti potpun i dokumentovan zahtjev za reviziju na propisanom obrascu (Obr. Z - 2) stručnoj komisiji najkasnije do 15. decembra tekuće godine.

Član 22.

(Prestanak važenja Pravilnika)

Donošenjem ove odluke prestaje da važi Pravilnik o uslovima i postupku priznavanja prava samostalnih umjetnika na uplatu doprinosa iz budžeta Kantona ("Službene novine Kantona Sarajevo, br. 9/02 i 12/02-ispavka).

Član 23.

(Stupanje na snagu Odluke)

Ova odluka stupa na snagu danom objavljivanja u "Službenim novinama Kantona Sarajevo".

Broj 02-05-1720-2.1/12
02. februara 2012. godine
Sarajevo

Premijer
Fikret Musić, s. r.

ZAHITJEV ZA

- 1) Priznavanje statusa istaknutog samostalnog umjetnika
- 2) Uplatu doprinosa iz Budžeta Kantona Sarajevo
- 3) Upis u Registar istaknutih samostalnih umjetnika

OBRZ - I

Redni broj: _____

Datum upisa: _____

1	Ime (ime oca) i prezime:	
2	Telefon:	Kućni:
3	E-mail:	Privatni:
4	www. adresa:	
5	Jedinstveni matični broj građana (iz lične karte): _____	
6	Matični broj penzionog osiguranja (iz radne knjižice): _____	
	a. Prebivalište i adresa:	
	b. Završena škola:	
	c. Broj i datum sticanja diplome:	
7	Područje umjetničkog stvaralaštva kojim se istaknuti samostalni umjetnik bavi:	
8	Članstvo u umjetničkom udruženju i godina očlanjenja:	
9	Najznačajnija domaća i inostrana priznanja osvojena za umjetničko stvaralaštvo i godina sticanja:	
	a.	
	b.	
	c.	
	d.	
	e.	
	f.	
	g.	
10	Priznavanje svojstva:	
	Datum i od kada se svojstvo priznaje ili produžava:	
	a. broj i datum rješenja o priznavanju svojstva	
	b. broj i datum rješenja o produžavanju svojstva	
11	Mirovanje svojstva:	
	a. period mirovanja svojstva	
	b. broj i datum rješenja o mirovanju svojstva	
12	Prestanak svojstva:	
	a. datum i razlozi prestanka svojstva	
	b. broj i datum rješenja o prestanku svojstva	

Broj lične karte
Ime i prezime

Uz ovaj zahtjev prilažem:

(1) Dokaze o ispunjavanju opštih uslova:

- a) Potvrdu nadležne Službe za zapošljavanje Kantona Sarajevo da nije u radnom odnosu ili kopiju radne knjižice;
- b) Izjavu da mu je umjetničko stvaralaštvo i djelovanje jedino profesionalno zanimanje;
- c) Uvjerenje da je državljanin Bosne i Hercegovine;
- d) Kopiju lične karte;
- e) Kopiju prijave o prebivalištu na području Kantona Sarajevo.

(2) Dokaze o ispunjavanju posebnih uslova:

- a) Umjetničku biografiju i bibliografiju o umjetničkom djelovanju (najmanje tri godine);
- b) Umjetničku biografiju i bibliografiju potvrđenu od strane matičnog udruženja/ćruštva/javne ustanove kulture ili ukoliko nije član niti jednog udruženja da svoj stvaralački opus dokaze programskom knjižicom ili popisom umjetničkih djela potvrđenim od kulturne institucije, javne ustanove, festivala, galerije ili izdavačke kuće sa međunarodnim referencama;
- c) Kopiju dodjeljenih priznanja i nagrada za umjetničko stvaralaštvo;
- d) Popis međunarodnih i domaćih nagrada i priznanja za umjetničko djelovanje;
- e) Preporuku matičnog umjetničkog udruženja/društva ili javne ustanove ili mišljenje odgovarajućeg umjetničkog udruženja o vrijednosti njegovog umjetničkog stvaralaštva ili ukoliko nije član niti jednog udruženja da svoj stvaralački opus dokaze programskom knjižicom ili stvaralačkim djelima potvrđenim od kulturne institucije, javne ustanove, festivala, galerije ili izdavačke kuće sa međunarodnim referencama;

ZAHTEJ ZA REVIZIJU STATUSA ISTAKNUTOG SAMOSTALNOG UMJETNIKA

OBR Z - 2

Redni broj: _____
Datum upisa: _____

1.	Ime (ime oca) i prezime	
2.	Telefon:	Kućni:
3.	E-mail	Privatni:
4.	www. adresa:	
5.	Jedinstveni matični broj građana (iz lične karte):	
6.	Matični broj penzionog osiguranja (iz radne knjižice):	
	a. Prebivalište i adresa:	
	b. Završena škola:	
	c. Broj i datum sticanja diplome.	
7.	Područje umjetničkog stvaralaštva kojim se istaknuti samostalni umjetnik bavi:	
8.	Članstvo u umjetničkom udruženju i godina oclanjenja	
	a. datum i razlozi prestanka svojstva	
	b. broj i datum rješenja o prestanku svojstva	

Obavezni prilozi:

- dokaz o kontinuiranom umjetničkom djelovanju u posljednje četiri godine;
- ovjerenu izjavu dati pod moralnom i materijalnom odgovornošću da je prijavio sve svoje prihode (od umjetničke i neumjetničke djelatnosti) poreskoj upravi;
- poresko uvjerenje

Za umjetnike koji borave u inostranstvu u kontinuitetu duže od šest mjeseci:

- Potvrda o boravku u inostranstvu u trajanju dužem od šest mjeseci u kontinuitetu;
- Potvrda nadležnog organa zemlje boravišta da nije zasnovan radni odnos ili Ugovor o radu.

Napomena: Istaknuti samostalni umjetnik koji je boravio u inostranstvu duže od šest mjeseci ili na studijskom putovanju ili usavršavanju dužan je dostaviti **odjavu boravka iz zemlje u kojoj je boravio**

Broj lične karte

Ime i prezime

ZAHITJEV ZA: 1) Prestanak statusa istaknutog samostalnog umjetnika
2) Prestanak prava na uplatu doprinosa
3) Brisanje iz Registra istaknutih samostalnih umjetnika

OBRZ - 4

Redni broj:
Datum upisa:

1	Ime (ime oca) i prezime:	
2	Telefon:	Kućni:
3	E-mail:	Privatni:
4	www. adresa:	
5	Jedinstveni matični broj građana (iz lične karte)	
6	Matični broj penzionog osiguranja (iz radne knjižice)	
	a. Prebivalište i adresa:	
	b. Završena škola:	
	c. Broj i datum sticanja diplome:	
7	Područje umjetničkog stvaralaštva kojim se istaknuti samostalni umjetnik bavi:	
8	Članstvo u umjetničkom udruženju i godina ulanjenja	
	a. datum i razlozi prestanka svojstva	
	b. broj i datum rješenja o prestanku svojstva	

U prilogu dostavljam jedan od navedenih dokaza:

- a) Vlastiti zahtjev (sa navođenjem razloga).
- b) Rješenje o završetku radnog odnosa ili o gubitku rada.
- c) Potvrda o boravku u inostranstvu u trajanju dužem od šest mjeseci u kontinuitetu.
- d) Kopiju dokaza o ispunjavanju zakonskog uslova za penzionisanje.
- e) Potvrda matičnog udruženja da u toku prethodne kalendarske godine nije umjetnički djelovao.
- f) Potvrda fakulteta da je upisan na redovni studij.
- g) Rješenje ili drugi akt o upućivanju na studijsko putovanje ili usavršavanje u inostranstvu u trajanju dužem od 24 mjeseca.
- h) Rješenje Stručne komisije doneseno u postupku revizije da ne ispunjava uslove u skladu sa kriterijima iz Zakona o istaknutim samostalnim umjetnicima.
- i) Kopiju pravomoćne odluke nadležnog suda o upućivanju na izdržavanje kazne zatvora u trajanju dužem od šest mjeseci.

Napomene:

- a) U slučaju dugotrajne bolesti istaknutom samostalnim umjetniku ne prestaje status istaknutog samostalnog umjetnika do konačnog izlječenja ili penzionisanja.
- b) Boravkom u inostranstvu u trajanju dužem od šest mjeseci u kontinuitetu smatra se boravak za koji je istaknuti samostalni umjetnik dobio dozvolu za produženje privremenog boravka ili za trajno nastanjenje. Ne se dokazuje potvrdom od strane odgovarajućeg predstavnika Bosne i Hercegovine u državi u kojoj boravi.
- c) Istaknuti samostalni umjetnik koji je boravio u inostranstvu duže od šest mjeseci ili na studijskom putovanju ili usavršavanju dužao je dostaviti izvjavu boravka iz zemlje u kojoj je boravio.

Broj lične karte

Ime i prezime

**ODLUKU
O SADRŽAJU I VOĐENJU REGISTRA ISTAKNUTIH
SAMOSTALNIH UMJETNIKA****Član 1.
(Sadržaj Odluke)**

Ovom odlukom propisuje se sadržaj i način vođenja registra istaknutih samostalnih umjetnika.

**Član 2.
(Podaci koji se upisuju u registar)**

- (1) U registar istaknutih samostalnih umjetnika upisuju se sljedeći podaci:
1. redni broj i datum upisa,
 2. ime i prezime, kontakt telefon, e-mail, web adresa i adresa istaknutog samostalnog umjetnika,
 3. jedinstveni matični broj građanina i matični broj penzionog osiguranja,
 4. prebivalište i adresa,
 5. završena škola i datum sticanja diplome,
 6. područje umjetničkog stvaralaštva kojim se istaknuti samostalni umjetnik bavi,
 7. članstvo u umjetničkom udruženju,
 8. najznačajnija domaća i inostrana priznanja ostvarena za umjetničko stvaralaštvo,
 9. priznavanje svojstva (datum i od kada se svojstvo priznaje ili produžava, broj i datum rješenja o priznavanju ili produžavanju svojstva),
 10. mirovanje svojstva (period mirovanja svojstva, broj i datum rješenja o mirovanju svojstva),
 11. prestanak svojstva (datum i razlozi prestanka svojstva, broj i datum rješenja o prestanku svojstva),
 12. napomena.
- (2) Podaci iz stava (1) ovog člana upisuju se u registar na propisanom obrascu (Obr: R-1), koji je sastavni dio ove odluke.

**Član 3.
(Izgled registra)**

- (1) Registar istaknutih samostalnih umjetnika vodi se u tvrdo povezanoj knjizi veličine 40 x 25 cm čije stranice su numerisane i sadrže rubriku za upis podataka iz člana 2. ove odluke.
- (2) Registar istaknutih samostalnih umjetnika vodi se i u elektronskoj formi.

- (3) Obrazac stranice registra istaknutih samostalnih umjetnika sastavni je dio ove odluke.

**Član 4.
(Stranica registra)**

Na jednoj stranici registra upisuju se podaci samo za jednog istaknutog samostalnog umjetnika.

**Član 5.
(Ovjera registra)**

Na unutrašnjoj strani zadnje korice registar ovjerava ovlašteni službenik Ministarstva kulture i sporta Kantona Sarajevo.

**Član 6.
(Ispravke upisanih podataka)**

Ispravka podataka vrši se na način da se pogrešno upisan tekst precrta hemijskom olovkom tako da ostane čitljiv, a ispod njega se upiše ispravan tekst i potpiše lice ovlašteno za vođenje registra.

**Član 7.
(Izmjene upisanih podataka)**

Izmjene podataka vrše se na način da se upisani tekst precrta hemijskom olovkom ispod njega se upiše novi tekst, a u rubrici "napomena" upiše se razlog izmjene i potpiše lice ovlašteno za vođenje registra.

**Član 8.
(Brisanje iz evidencije)**

Brisanje iz evidencije vrši se na način da se zaokruži redni broj upisa istaknutog samostalnog umjetnika, u rubrici o prestanku svojstva upiše odgovarajući podaci, a podaci u ostalim rubrikama precrtaju.

**Član 9.
(Prestanak sa primjenom Pravilnika)**
Donošenjem ove odluke prestaje važiti Pravilnik o sadržaju i vođenju registra samostalnih umjetnika ("Službene novine Kantona Sarajevo", broj 9/02).

**Član 10.
(Stupanje Odluke na snagu)**
Ova odluka stupa na snagu danom objavljivanja u "Službenim novinama Kantona Sarajevo".

Broj 02-05-1720-2.3/12
02. februara 2012. godine
Sarajevo

Premijer
Fikret Musić, s. r.

REGISTAR ISTAKNUTIH SAMOSTALNIH UMJETNIKA OBR B - 1

Redni broj:
Datum upisa:

1	Ime (ime oca) i prezime	
2	Telefon	Kućni
3	E-mail	Profesni
4	www. adresa	
5	Jedinstveni matični broj građana (iz <i>lične karte</i>)	
6	Matični broj penzionog osiguranja (iz <i>računa doplate</i>)	
	a. Prebivalište i adresa	
	b. Završeni škola	
	c. Broj i datum skicanja diplome	
7	Područje umjetničkog stvaralaštva kojem se istaknuti samostalno umjetnik bavi	
8	Članstvo u umjetničkom udruženju i godina ulaznice	
9	Naziv radnja domaći i inostrani priznanja osvojena za umjetničko stvaralaštvo i godina sticanja	
	a.	
	b.	
	c.	
	d.	
	e.	
10	Prestanak svojstva	
	Datum i od koga se svojstvo prietnje ili pravuštva	
	a. broj i datum rješenja o priznavanju svojstva	
	b. broj i datum rješenja o produžavanju svojstva	
11	Mirovanje svojstva	
	a. period mirovanja svojstva	
	b. broj i datum rješenja o mirovanju svojstva	
	12. Prestanak svojstva	
	a. datum rješenja o prestanku svojstva	
	b. broj i datum rješenja o prestanku svojstva	

Na osnovu čl. 22. i 24. stav (2) Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst) i člana 13. stav (2) Zakona o istaknutim samostalnim umjetnicima ("Službene novine Kantona Sarajevo", broj 19/11), Vlada Kantona Sarajevo, na 53. sjednici održanoj 02.02.2012. godine, donijela je

ODLUKU

**O BLIŽIM KRITERIJIMA ZA PRIZNAVANJE
STATUSA ISTAKNUTIH SAMOSTALNIH UMJETNIKA**

I - OSNOVNE ODREDBE

Član 1.
(Sadržaj Odluke)

Ovom odlukom utvrđuju se bliži kriteriji za priznavanje statusa istaknutih samostalnih umjetnika.

Član 2.
(Područja umjetničkog stvaralaštva)

(1) Da bi se umjetniku mogao priznati status istaknutog samostalnog umjetnika mora javno umjetnički djelovati u jednom od područja umjetničke djelatnosti:

1. Književna djelatnost:
 - a) Književnik,
 - b) Naučno, teoretsko i kritičko djelovanje na svim područjima umjetničkog stvaralaštva,
 - c) Književno-prevodilačka djelatnost:
 - d - 1 Kao umjetnički rad priznat će se prevod, stručna redakcija književnog prevoda u predgovoru knjige i izvorni tekstovi o temama iz područja stranih književnosti i kultura,
 - d - 2 Književni prevodi podnosioca zahtjeva moraju biti objavljeni kod renomiranih izdavača u Bosni i Hercegovini, kao i relevantni prevodi bosanske književnosti objavljeni u priznatim inostranim književnim izdanjima i medijima.
2. Pozorišna djelatnost:
 - a) Režiser,
 - b) Glumac,
 - c) Dramaturg,
 - d) Scenograf,
 - e) Kostimograf.
3. Muzičko-scenska djelatnost:
 - 3.1. Klasična muzika
 - a) Kompozitor,
 - b) Dirigent,
 - c) Oporni pjevač,
 - d) Koncertni pjevač,
 - e) Operetni mjuzikl pjevač,
 - f) Koncertni instrumentalni solista,
 - g) Član kamernog ansambla.
 - 3.2. Balet
 - a) Koreograf,
 - b) Solista baleta.
 - 3.3. Suvremeni ples
 - a) Koreograf
 - b) Plesač solista
 - 3.4. Folk lomo-plesna djelatnost
 - a) Koreograf
 - 3.5. Zabavna, pop - rock, jazz, filmska, narodna i etno muzika
 - a) Kompozitor,
 - b) Aranžer - orkestrator.
 - c) Vokalni solista,
 - d) Instrumentalni solista.
 - 3.5.1. Djelovanje u ovoj kategoriji mora biti u okviru priznatih domaćih i internacionalnih stranih festivala i solističkih koncerata sa nosačima zvuka priznatih domaćih i inozemnih diskografskih kuća, a prema stručnim i umjetničkim kriterijima i standardima što potvrđuje stručna komisija.
4. Filmska djelatnost:
 - a) Režiser,
 - b) Snimatelj,
 - c) Scenarista,
 - d) Montažer,
 - e) Glavni crtač animiranog filma,
 - f) Animator.

- 4.1. Za sve kategorije ne uzimaju se u obzir reklamni animirani filmovi i spotovi.

5. Likovno i multimedijalno stvaralaštvo:

- a) Slikarstvo,
 - b) Kiparstvo,
 - c) Grafika,
 - d) Keramika,
 - e) Novi mediji (video - multimedija, instalacije, performansi, likovno oblikovanje u izdavačkoj djelatnosti).
6. Primijenjeno likovno stvaralaštvo:
- a) Grafički dizajn,
 - b) Enterijer dizajn,
 - c) Foto dizajn,
 - d) Produkt dizajn,
 - e) Tekstil dizajn,
 - f) Interaktivni dizajn,
 - g) Video - multimedija,
 - h) Ilustracija, karikatura, strip,
 - i) Keramika - skulptura,
 - j) Metal - drvo - staklo - plemeniti metali,
 - k) Maketa,
 - l) Restauracija,
7. Arhitektura:
- a) Izrada i realizacija projekata visokog umjetničkog nivoa,
 - b) Vrtne pejzažna arhitektura,
 - c) Oblikovanje arhitektonsko-urbanističkih maketa.

II - POSEBNE ODREDBE

Član 3.
(Minimalni period umjetničkog djelovanja)

- (1) Istaknuti samostalni umjetnici, bez završene odgovarajuće akademije ili fakulteta, moraju imati najmanje 5 (pet) godina priznatog javnog umjetničkog djelovanja, uz ispunjenje kriterija predviđenih ovom odlukom.
- (2) Zbog specifičnosti njihove struke odredba iz stava (1) ovog člana ne odnosi se na baletne i plesne umjetnike.

Član 4.
(Minimalni period umjetničkog djelovanja za izvođače zabavne i narodne muzike)

Istaknuti samostalni umjetnici izvođači zabavne - popularne (pop, rock i jazz) te narodne muzike moraju imati najmanje 10 godina javnog umjetničkog djelovanja, uz ispunjenje kriterija predviđenih ovom odlukom.

III - PRELAZNE I ZAVRŠNE ODREDBE

Član 5.
(Obaveza usaglašavanja općih akata)

Postojeća umjetnička udruženja dužna su usaglasiti svoja opća akta sa odredbama ove odluke, u roku od 30 dana od dana njenog stupanja na snagu.

Član 6.
(Prestanak sa važenjem Pravilnika)

Donošenjem ove odluke prestaje važiti Pravilnik o bližim kriterijima za priznavanje statusa samostalnih umjetnika ("Službene novine Kantona Sarajevo", br. 9/02 i 12/02 - ispravka).

Izvod iz Ustava Kantona Sarajevo
člana 12. tačka c. i člana 18. stav 1. tačka d.
(„Službene novine Kantona Sarajevo“,
br. 1/96, 2/96, 3/96, 16/97, 14/00, 4/01, 28/04 i 6/13).
(ČLAN 12. i 18.)

Broj 1 - Strana 2

SLUŽBENE NOVINE KANTONA SARAJEVO Ponedjeljak, 11. marta 1996. godine

Član 8.

Zaštita ljudskih prava i sloboda

Skupština će obezbijediti donošenje takvih propisa kojima će se u prvom redu zaštititi utvrđena ljudska prava i slobode, te uvesti efikasni instrumenti te zaštite.

Organi vlasti u Kantonu prilikom izvršavanja propisa su obavezni onemogućiti svako narušavanje ljudskih prava i sloboda, te poduzimati sve potrebne mjere iz svoje nadležnosti radi njihove potpune zaštite. Ovo se posebno odnosi na policijske snage koje će efikasnim, preventivnim i operativnim radom obezbijediti panu ličnu i imovinsku zaštitu svakog građanina.

Član 9.

Komisija za ljudska prava

Radi zaštite ljudskih prava i sloboda i kontrole rada svih organa vlasti Kantona u ovoj oblasti, Skupština obrazuje posebnu Komisiju za ljudska prava.

Broj članova, način njihovog imenovanja te nadležnosti Komisije iz prethodnog stava utvrđuju se posebnim propisima Kantona.

Član 10.

Suradnja sa ombudsmenom i međunarodnim organizacijama

Skupština i drugi organi vlasti su obavezni pružiti ombudsmenu Bosne i Hercegovine, ombudsmenu Federacije i svim međunarodnim posmatračkim tijelima za ljudska prava potrebnu pomoć u vršenju njihovih funkcija na području Kantona.

U okviru pomoći iz prethodnog stava organi Kantona će naročito:

- staviti na uvid sve službene dokumente uključujući i one tajnog karaktera, te sudske i upravne spise;
- osigurati suradnju svake osobe i svakog službenika u davanju potrebnih informacija i podataka;
- osigurati pristup i kontrolu na svim mjestima gdje su osobe lišene slobode, zatvorene ili gdje rade;
- omogućiti prisustvo sudskim i upravnim postupcima kao i sastancima organa.

Nalazi i izvještaji tijela iz stava 1. ovog člana će se razmatrati u nadležnim organima po hitnom postupku, te će na osnovu toga biti preduzimate odgovarajuće mjere gdje to bude potrebno.

III - NADLEŽNOSTI KANTONA

Član 11.

Određivanje nadležnosti

Kanton ima nadležnosti utvrđene Ustavom Federacije i ovim Ustavom.

U slučaju potrebe za tumačenjem, nadležnosti Kantona utvrđene ovim Ustavom će biti tumačene u korist Kantona po principu pretpostavljene nadležnosti, a pojedinačno spomenuta ovlaštenja u ovom Ustavu se neće tumačiti kao bilo kakva ograničenja općih nadležnosti Kantona.

Član 12.

Isključive nadležnosti

U okviru svojih nadležnosti Kanton je nadležan za:

- uspostavljanje i nadziranje policijskih snaga;
- utvrđivanje obrazovne politike, uključujući donošenje propisa o obrazovanju i osiguranje obrazovanja;
- utvrđivanje i provođenje kulturne politike;
- utvrđivanje stambene politike, uključujući i donošenje propisa koji se tiču uređivanja i izgradnje stambenih objekata;

e) utvrđivanje politike koja se tiče reguliranja i osiguravanja javnih službi;

f) donošenje propisa o korištenju lokalnog zemljišta, uključujući i zadržavanje;

g) donošenje propisa o unaprijeđivanju lokalnog poslovanja i dobrotvornih aktivnosti;

h) donošenje propisa o lokalnim postrojenjima za proizvodnju energije i osiguranje njihove dostupnosti;

i) utvrđivanje politike u vezi sa osiguranjem radija i televizije, uključujući donošenje propisa o osiguranju njihovog rada i izgradnji;

j) provođenje socijalne politike i uspostava službi socijalne zaštite;

k) stvaranje i primjena politike turizma i razvoja turističkih resursa;

l) stvaranje pretpostavki za optimalni razvoj privrede koja odgovara urbanoj sredini;

m) finansiranje djelatnosti kantonalnih vlasti ili kantonalnih agencija oporezivanjem, zaduživanjem ili drugim sredstvima.

Član 13.

Zajedničke nadležnosti sa Federacijom

Kanton zajedno sa Federacijom, samostalno ili u koordinaciji sa federalnim vlastima vrši sljedeće nadležnosti:

- jamčenje i provođenje ljudskih prava;
- zdravstvo;
- politika zaštite čovjekove okoline;
- komunikacijska i transportna infrastruktura;
- socijalna politika;
- provođenje zakona i drugih propisa o državljanstvu;
- imigracija i azil;
- turizam;
- korištenje prirodnih bogatstava.

Član 14.

Vršenje nadležnosti

Svoje nadležnosti Kanton izvršava donošenjem sopstvenih propisa i primjenom propisa Bosne i Hercegovine i Federacije.

Nadležnosti iz člana 13. ovog Ustava Kanton vrši u okviru dogovorenog sa federalnim vlastima. U slučaju da takav dogovor ne postoji te nadležnosti će Kanton vršiti cjelovito i samostalno.

Član 15.

Prenošenje nadležnosti

Svoje nadležnosti iz oblasti obrazovanja, kulture, turizma, lokalnog poslovanja i dobrotvornih aktivnosti, radija i televizije Kanton može prenositi na općine u svom sastavu. Ove nadležnosti će se obavezno prenositi na one općine u kojima većinsko stanovništvo prema nacionalnoj strukturi nije stanovništvo koje čini većinu i na području cijelog Kantona.

Kanton može neke od svojih nadležnosti prenijeti i na federalne vlasti, ukoliko bi se na taj način obezbijedilo njihovo efikasnije i racionalnije vršenje.

Odluku o prenošenju nadležnosti u smislu ovog člana donosi Skupština.

IV - STRUKTURA VLASTI

A) ZAKONODAVNA VLAST

Član 16.

Opća odredba

Zakonodavnu vlast u Kantonu vrši Skupština Kantona.

Član 17.

Sastav Skupštine

Skupština je jednodomno predstavničko tijelo sastavljeno od 45 (četrdesetpet) poslanika. Poslanici se biraju tajnim glasanjem na neposrednim izborima na cijelom području Kantona.

Prilikom izbora poslanika obezbjeđuje se odgovarajuća zastupljenost predstavnika Bošnjaka, Hrvata i ostalih naroda proporcionalno nacionalnoj strukturi stanovništva na području Kantona.

Izbir poslanika u Skupštini provodi se sukladno federalnim izbornim propisima, a tim što izbore raspisuje i provodi Skupština.

Mandat poslanika u Skupštini traje 2 (dvije) godine.

Član 18.

Nadležnosti Skupštine:

Skupština Kantona:

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;
- c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;
- d) utvrđuje politiku i donosi programe razvoja Kantona;
- e) potvrđuje imenovanje Premijera, zamjenika Premijera i članova Vlade Kantona;
- f) osniva kantonalne i općinske sudove i utvrđuje njihove nadležnosti;
- g) bira sudije kantonalnih sudova sukladno Ustavu Federacije i ovom Ustavu;
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira raspravnike u Dom naroda Federacije sukladno Ustavu Federacije;
- j) odlučuje o prijenosu ovlaštenja Kantona na općine i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.

Član 19.

Način rada Skupštine

Skupština bira predsjedavajućeg i dva njegova zamjenika iz reda izabranih poslanika.

Skupština zasijeda javno, izuzev u slučajevima kada je to predviđeno njenim poslovnikom. Izvještaji o zasjedanjima i donesenim odlukama se objavljuju u sredstvima javnog informiranja.

Način rada Skupštine bliže se uređuje poslovnikom.

Član 20.

Poslanički imunitet

Krivični postupak ili građanska parnica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili kažnjen na bilo koji način zbog iznesenog mišljenja i datog glasa u Skupštini.

Član 21.

Način odlučivanja u Skupštini

U vršenju svojih nadležnosti Skupština donosi zakone, druge propise, te opće i pojedinačne akte (dalje: propisi).

Propisi se smatraju donesenim ako sjednici prisustvuje najmanje 51% (pedesetjedanposto) poslanika i ako je za predloženi propis glasala većina od ukupnog broja izabranih poslanika.

Izuzetno, kada se radi o pitanjima vezanim za ostvarivanje posebnih nacionalnih, socijalnih ili drugih interesa određenih grupa građana, 15% (petnaestposto) poslanika može zatražiti da se odluka donese dvotrećinskom većinom od ukupnog broja izabranih poslanika u Skupštini.

Propisi koji imaju karakter općeg akta stupaju na snagu kako je to u njima određeno, ali ne prije nego što budu objavljeni.

Član 22.

Provođenje istrage

Skupština ili njeni odbori mogu provoditi istrage radi razrješavanja određenih pitanja koja su se pojavila u odnosima unutar Kantona, a u kojima je učestvovao tko koji od poslanika, članova Vlade odnosno organa ili službi kantonalne Vlade, te u tom cilju pozivati svjedoke ili prikupljati druge dokaze.

Postupak provođenja istrage u smislu prethodnog stava uređuje Skupština posebnim propisom.

B) IZVRŠNA VLAST

Član 23.

Opća odredba

Izvršnu vlast u Kantonu vrše Predsjednik (dalje: Predsjednik) i Vlada Kantona (dalje: Vlada).

Član 24.

Predsjednik Kantona

Predsjednika bira Skupština većinom glasova između kandidata koje predlože poslanici.

Predsjednik se bira na period od 2 (dvije) godine i ne može se na tu funkciju birati više od 2 (dva) puta uzastopno.

Član 25.

Nadležnosti Predsjednika Kantona

Predsjednik je nadležan za:

- a) imenovanje i smjenjivanje Premijera, zamjenika Premijera i članova Vlade;
- b) predlaganje sudija kantonalnih sudova;
- c) predstavljanje i zastupanje Kantona u zemlji i inostranstvu;
- d) zaključivanje ugovora i drugih akata kojima se preuzimaju prava i obaveze za Kanton, a tim da se za ugovore veće vrijednosti i ugovore iz oblasti međunarodne suradnje mora pribaviti suglasnost Skupštine sukladno ovom Ustavu;
- e) podnošenje zahtjeva Ustavnom sudu Federacije i Ustavnom sudu Bosne i Hercegovine;
- f) razmatranje izvještaja ombudsmena i drugih međunarodnih organizacija za zaštitu ljudskih prava i obezbjeđivanje poduzimanja potrebnih mjera u zaštiti ljudskih prava i sloboda;

upisanim u zk. uložak broj 2763 K.O. SP_CRNOTINA sa pravom vlasništva KJKP "Sarajevogas" d.o.o. Sarajevo sa dijelom 1/1.

II

Daje se saglasnost Kantonalnom javnom komunalnom preduzeću "Toplanc - Sarajevo" d.o.o. Sarajevo da radi obezbjeđenja kredita iz tačke I ove Odluke koje će KJKP "Sarajevogas" d.o.o. Sarajevo zaključiti sa UNION bankom d.d. Sarajevo može u svojstvu sudužnika potpisati kredit kod UNION banke d.d Sarajevo.

III

Ovlašćuje se Muhamed Kozadra vršioci funkcije premijera Kantona Sarajevo da u ime Vlade Kantona Sarajevo potpiše Sporazum o međusobnim obavezama za obezbjeđenje sredstava za vraćanje kredita namijenjenog za sprečavanje obustave isporuke prirodnog gasa Kantonu Sarajevo.

IV

Zadužuje se Vlada Kantona Sarajevo da odobrena sredstva iz tačke I ove Odluke planira u Budžetu Kantona Sarajevo za 2015., 2016., 2017. i 2018. godinu.

V

Zadužuje se Preduzeće da Skupštini Kantona Sarajevo nakon kreditnog zaduženja kod komercijalne banke od odobrenog iznosa iz tačke I ove odluke, namijenjenog za sprečavanje obustave isporuke prirodnog gasa za Kanton Sarajevo, dostavi detaljan izvještaj o utrošku kreditnih sredstava sa kompletnom pratećom dokumentacijom.

VI

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-02-23828/14 Predsjedavajuća
03. septembra 2014. godine Skupštine Kantona Sarajevo
Sarajevo Prof. dr. Mirjana Malić, s. r.

**Zakonodavno-pravna komisija
Skupštine Kantona Sarajevo**

Na osnovu člana 8. Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13) i člana 181. stav 1. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno-pravna komisija Skupštine Kantona Sarajevo, na sjednici 22.08.2014. godine, utvrdila je Novi prečišćeni tekst Zakona o Vladi Kantona Sarajevo.

Prečišćeni tekst Zakona o Vladi Kantona Sarajevo obuhvata: Zakon o Vladi Kantona Sarajevo ("Službene novine Kantona Sarajevo" broj 24/03-Prečišćeni tekst) i Zakon o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u kojim je naznačen dan stupanja na snagu tih zakona.

Broj 01-05-22971-1/14 Po ovlaštenju
22. augusta 2014. godine Esad Hrvatić, s. r.
Sarajevo

ZAKON

O VLADI KANTONA SARAJEVO
(Novi prečišćeni tekst)

I - OPĆE ODREDBE

Član 1.

Ovim zakonom uređuje se sastav i organizacija, kao i druga pitanja od značaja za rad Vlade Kantona Sarajevo (u daljem tekstu: Vlada Kantona).

Član 2.

Vlada Kantona je izvršna vlast Kantona Sarajevo (u daljem tekstu: Kanton), u skladu sa Ustavom.

Član 3.

Vlada Kantona vrši svoja prava i dužnosti na osnovu i u okviru Ustava i ovog zakona.

Član 4.

Sjedište Vlade Kantona je u Sarajevu.

Član 5.

Vlada Kantona donosi poslovnik o radu kojim se uređuje: organizacija i način rada, postupak i način zakazivanja sjednice; dostavljanje i forma materijala za razmatranje, utvrđivanje prijedloga zaključaka i drugih akata; postupak razmatranja materijala; način ravnopravne upotrebe jezika i pisma konstitutivnih naroda u pripremi i izradi pisanih materijala; način izvršavanja zaključaka; prenošenje ovlaštenja i druga poslovnička pitanja.

Član 6.

Vlada Kantona raspolaže imovinom u vlasništvu Kantona u okviru ovlaštenja koja joj Skupština Kantona prenese posebnim propisom.

II - SASTAV I ORGANIZACIJA VLADE KANTONA

Član 7.

Vladu Kantona čine premijer Kantona (u daljem tekstu: premijer) i 12 ministara.

Član 8.

U slučaju privremene spriječenosti premijera, funkciju premijera vrši član Vlade kojeg odredi premijer.

U slučaju privremene spriječenosti premijera duže od 30 dana, funkciju premijera vrši član Vlade kojeg odredi predsjedavajući Skupštine Kantona, u konsultaciji sa zamjenicima predsjedavajućeg Skupštine Kantona.

U slučaju da mjesto premijera ostane upražnjeno, kandidat za premijera se imenuje u roku od 30 dana od dana kada je mjesto premijera ostalo upražnjeno, na način utvrđen ustavom, do kada funkciju premijera obavlja član Vlade Kantona kojeg odredi predsjedavajući Skupštine Kantona, u konsultaciji sa zamjenicima predsjedavajućeg Skupštine Kantona.

S danom imenovanja kandidata za premijera smatra se da su dosadašnji članovi Vlade u ostavci, koja stupa na snagu danom potvrđivanja imenovanja Vlade u novom sazivu.

Do potvrđivanja imenovanja Vlade u novom sazivu dosadašnji članovi Vlade nastavljaju s obavljanjem funkcije članova Vlade i ministara ministarstava.

Potvrđivanje Vlade u novom sazivu obaviti će se u roku od 30 dana od dana imenovanja kandidata za premijera.

Član 9.

U slučaju privremene spriječenosti člana Vlade, kada se razmatraju materijali iz nadležnosti ministarstva kojim rukovodi odsutni član Vlade, sjednicama Vlade prisustvuje sekretar tog ministarstva, bez prava glasa.

U slučaju privremene spriječenosti člana Vlade duže od 30 dana, funkciju ministra ministarstva kojim rukovodi odsutni ministar vrši član Vlade kojeg odredi premijer.

U slučaju da mjesto člana Vlade ostane upražnjeno, član Vlade se imenuje u roku od 30 dana od dana kada je mjesto člana Vlade ostalo upražnjeno, na način utvrđen ustavom, do kada funkciju ministra ministarstva kojim je rukovodio dotadašnji ministar obavlja član Vlade kojeg odredi premijer.

Ministar iz st. 2. i 3. ovog člana kojeg odredi premijer, ne obavlja i funkciju člana Vlade umjesto odsutnog ministra.

Član 10.

U slučaju kad Skupština izglasa nepovjerenje Vladi, premijer i članovi Vlade podnose pismenu ostavku, najkasnije u roku od

sedam dana od dana kada im je izglasano nepovjerenje, s tim da ostavka stupa na snagu danom potvrđivanja Vlade u novom sazivu.

U periodu od dana podnošenja ostavke do dana potvrđivanja Vlade u novom sazivu, Vlada u ostavci obavlja sve poslove iz svoje nadležnosti, u skladu sa ustavom i zakonom.

Potvrđivanje Vlade u novom sazivu mora se izvršiti najkasnije u roku od 60 dana od dana izglasavanja nepovjerenja prethodnoj Vladi.

Član 11.

Ministri odgovaraju premijeru i Skupštini Kantona.

Premijer je odgovoran Skupštini Kantona.

Ministri snose krajnju odgovornost za rad svojih ministarstava.

Vlada Kantona podnosi ostavku ako joj u bilo koje vrijeme Skupština Kantona izglasa nepovjerenje.

Član 12.

Premijer i članovi Vlade mogu podnijeti ostavku.

Premijer podnosi ostavku predsjedavajućem Skupštine Kantona, a potvrđuje je Skupština Kantona na prvoj narednoj sjednici.

Kad premijer podnese ostavku, smatra se da su ostavku podnijeli svi članovi Vlade.

Član Vlade podnosi ostavku premijeru.

Član 13.

Ako Skupština Kantona prihvati ostavku premijera, premijer i Vlada će obavljati sve poslove iz svoje nadležnosti, do imenovanja nove Vlade, u skladu sa članom 8b. stav 2. ovog Zakona.

Ako premijer prihvati ostavku pojedinog člana Vlade, rješenje o razrješenju potvrđuje Skupština Kantona na prvoj narednoj sjednici.

Ministar može obrazložiti ostavku u Skupštini Kantona.

Premijer će novog člana Vlade imenovati i predstaviti na sjednici Skupštine Kantona i zatražiti glasanje o potvrđivanju imenovanja tog člana, u roku iz člana 8a. stav 3. Zakona.

Član 14.

Konstitutivni narodi i pripadnici ostalih biće proporcionalno zastupljeni u Vladi. Takva zastupljenost će odražavati popis stanovništva iz 1991. godine do potpune provedbe Aneksa VII Dejtonskog mirovnog sporazuma.

Član 15.

Premijer i ministri, nakon potvrđivanja od strane Skupštine Kantona, daju svečanu izjavu pred predsjedavajućim Skupštine Kantona.

Vlada Kantona preuzima dužnost nakon potvrđivanja od strane Skupštine Kantona i davanja svečane izjave.

Član 16.

Vlada Kantona imenuje i razrješava sekretara Vlade Kantona u skladu sa zakonom kojim se reguliše državna služba.

Sekretar Vlade odgovara za svoj rad premijeru Vlade i Vladi.

III - NAČIN RADA I ODLUČIVANJA VLADE KANTONA

Član 17.

Radom Vlade Kantona rukovodi premijer koji predstavlja i zastupa Vladu Kantona, saziva sjednice Vlade Kantona, predlaže dnevni red i predsjedava sjednicama.

Član 18.

Vlada Kantona radi i odlučuje u sjednicama.

Vlada Kantona može odlučivati ako sjednici prisustvuje više od polovine članova Vlade Kantona, a sve odluke Vlade Kantona donose se prostom većinom članova Vlade Kantona koji glasaju.

U slučaju većih elementarnih nepogoda, nesreća ili drugih neposrednih društvenih opasnosti, Vlada donosi odluke prostom većinom glasova prisutnih članova Vlade koji glasaju.

IV - RADNA TIJELA VLADE KANTONA

Član 19.

Za razmatranje pitanja iz nadležnosti Vlade Kantona, davanje prijedloga i mišljenja o tim pitanjima, vršenje određenih poslova i zadataka u vezi sa provođenjem zaključaka Vlade Kantona, kao i za vršenje drugih poslova, Vlada Kantona može obrazovati stalna i povremena radna tijela (savjete, urede, komisije, odbore, komisije i dr).

Sastav i nadležnost radnih tijela iz stava 1. ovog člana uredit će se Poslovníkom Vlade Kantona ili aktom o obrazovanju radnog tijela.

Član 20.

Za donošenje rješenja u upravnom postupku i odlučivanje o drugim pojedinim pitanjima iz njene nadležnosti Vlada Kantona može obrazovati jednu ili više komisija čije članove imenuje iz reda članova Vlade.

V - NADLEŽNOST I ODGOVORNOST PREMIJERA I ČLANOVA VLADE KANTONA

Član 21.

Premijer rukovodi radom Vlade Kantona i odgovoran je za njen rad, osigurava jedinstvo u izvršavanju poslova iz nadležnosti Vlade Kantona, ostvaruje saradnju sa drugim organima i usmjerava djelovanje Vlade Kantona kao cjeline i članova Vlade Kantona pojedinačno, te vrši i druge poslove utvrđene ustavom.

Premijer potpisuje akte Vlade Kantona.

Član 22.

Članovi Vlade Kantona mogu pokrenuti inicijative za donošenje zakona i drugih propisa iz nadležnosti Vlade Kantona, predlagati razmatranje i prenesanje pojedinih pitanja iz nadležnosti Vlade Kantona, predlagati utvrđivanje stavova Vlade Kantona i imaju druga prava i dužnosti utvrđena ustavom i zakonom.

Član 23.

Članovi Vlade Kantona su odgovorni i za zastupanje i provođenje zaključaka Vlade Kantona u poslovima koje im Vlada Kantona povjeri, kao i za blagovremeno pokrćanje inicijative za rješavanje pitanja u okviru zadataka koje im je povjerila Vlada Kantona ili premijer.

Član 24.

Članovi Vlade Kantona određeni da učestvuju u radu drugog organa i tijela dužni su postupati u skladu sa ovlaštenjima, smjernicama i stavovima Vlade Kantona.

Članovi Vlade Kantona su dužni svoju aktivnost ostvarivati tako da, pored poslova za koje su lično zaduženi, prate i pitanja iz djelokruga Vlade Kantona za koja nisu lično zaduženi i da svojim prijedlozima i mišljenjima doprinose odgovorom, zakonitom i efikasnom radu Vlade Kantona.

VI - SEKRETAR VLADE KANTONA

Član 25.

Sekretar Vlade Kantona prema uputstvima premijera i Vlade u skladu sa Poslovníkom, stara se o pripremanju sjednice Vlade i dostavljanju materijala potrebnih za rad Vlade i njenih radnih tijela, pomaže premijeru u vršenju njegovih prava i dužnosti u vezi sa organizacijom i pripremanjem sjednica Vlade i izvršavanju zaključaka Vlade, obezbjeđuje radnim tijelima Vlade pomoć i saradnju stručnih i drugih službi i vrši i druge poslove u vezi s radom Vlade koje mu povjeri premijer.

Sekretar Vlade je naredbodavac za izvršenje finansijskog plana Vlade.

VII - AKTA VLADE KANTONA

Član 26.

Vlada Kantona u ostvarenju svojih nadležnosti utvrđenih ustavom donosi uredbu, odluku, rješenja i zaključke.

Član 27.

Izuzetno za vrijeme trajanja ratnog stanja ili neposredne ratne opasnosti kada postoji objektivna nemogućnost da se sazove Skupština Kantona, Vlada može donositi i propise iz nadležnosti Skupštine Kantona.

Propisima iz stava 1. ovog člana ne mogu se staviti van snage prava i slobode utvrđene ustavom i drugim propisima.

Propise iz stava 1. ovog člana Vlada će dostaviti Skupštini na potvrdu čim ona bude u mogućnosti da se sastane.

Član 28.

Uredbom se uređuju najvažnija pitanja iz nadležnosti Vlade Kantona, bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave Kantona.

Odlukom se uređuju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima, kao i o drugim pojedinačnim pitanjima iz nadležnosti Vlade Kantona.

Zaključkom se utvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi Kantona i određuju zadaci organima uprave i službama, kao i radnim tijelima Vlade Kantona. Zaključkom se odlučuje i u drugim slučajevima u kojima se ne donose druga akta.

Član 29.

Uredbe i odluke Vlade Kantona objavljuju se u "Službenim novinama Kantona Sarajevo", a ostali akti Vlade ako je to u njima navedeno.

VIII - JAVNOST RADA VLADE KANTONA

Član 30.

Javnost rada Vlade Kantona obezbjeđuje se u skladu sa zakonom kojim se reguliše sloboda pristupa informacijama u Federaciji Bosne i Hercegovine.

IX - STRUČNE I DRUGE SLUŽBE KANTONA

Član 31.

Za obavljanje stručnih i drugih poslova za potrebe Skupštine Kantona, Vlade Kantona i organa uprave, Vlada Kantona može osnivati određene stručne, tehničke i druge službe, kao zajedničke ili samostalne službe, u skladu sa zakonom.

Aktom o obrazovanju službe iz prethodnog stava, utvrđuje se njen djelokrug, kao i status i odgovornost te službe i lica koje njom rukovodi.

Član 32.

Vlada Kantona vrši nadzor nad radom stručnih službi koje obrazuje.

Sekretar Vlade Kantona rukovodi radom Stručne službe koja obavlja poslove za potrebe Vlade Kantona i odgovoran je za njen rad.

X - PRELAZNE I ZAVRŠNE ODREDBE

Član 33.

Vlada Kantona je dužna donijeti Poslovnik o svom radu u roku od 30 dana od svog konstituisanja.

Član 34.

Vlada Kantona Sarajevo dužna je uskladiti Poslovnik o radu sa odredbama Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u roku od 30 dana od dana njegovog stupanja na snagu.

Član 35.

Poslovnik Izvršnog odbora Grada Sarajeva i drugi propisi koji se odnose na njegovo unutrašnje organizovanje i funkcionisanje, koji su na snazi na dan stupanja na snagu Zakona o Vladi Kantona Sarajevo ("Službene novine Kantona Sarajevo", broj 7/96), ukoliko nisu u suprotnosti sa Ustavom Kantona i ovim zakonom, primjenjivaće se kao propisi Vlade, dok se ne donese Poslovnik o radu Vlade Kantona.

Član 36.

Do imenovanja premijera i članova Vlade u skladu sa Zakonom o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 4/01), poslove iz nadležnosti Vlade vršit će Vlada u dosadašnjem sastavu.

Član 37.

Ovlašćuje se Zakonodavno-pravna komisija Skupštine Kantona Sarajevo da utvrdi Novi prečišćeni tekst Zakona o Vladi Kantona Sarajevo.

Član 38.

Zakon o izmjenama i dopunama Zakona o Vladi Kantona Sarajevo stupio je na snagu osmog dana od dana objavljivanja u "Službenim novinama Kantona Sarajevo", broj 38/13.

Na osnovu člana 16. Zakona o izmjenama i dopunama Zakona o sudskim taksama ("Službene novine Kantona Sarajevo", broj 18/14) i člana 181. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno - pravna komisija Skupštine Kantona Sarajevo, na sjednici 22.08.2014. godine, utvrdila je Prečišćeni tekst Zakona o sudskim taksama.

Prečišćeni tekst Zakona o sudskim taksama obuhvata: Zakon o sudskim taksama ("Službene novine Kantona Sarajevo", broj 21/09), Zakon o izmjenama i dopunama Zakona o sudskim taksama ("Službene novine Kantona Sarajevo", broj 29/09), Zakon o izmjeni Zakona o sudskim taksama ("Službene novine Kantona Sarajevo", broj 14/11), Zakon o izmjenama Zakona o sudskim taksama ("Službene novine Kantona Sarajevo", broj 36/13) i Zakon o izmjenama i dopunama Zakona o sudskim taksama ("Službene novine Kantona Sarajevo", broj 18/14), u kojim je naznačen dan stupanja na snagu tih zakona.

Broj 01-05.22971-2/14
22. augusta 2014. godine
Sarajevo

Po ovlaštenju
Esad Hrvačić, s. r.

ZAKON
O SUDSKIM TAKSAMAMA
(Prečišćeni tekst)

DIO PRVI. OPĆE ODREDBE

Član 1.

(Plaćanje sudske takse)

- (1) Ovim zakonom utvrđuje se način plaćanja sudskih taksa (u daljnjem tekstu: takse) u postupku pred Kantonalnim sudom u Sarajevu i Općinskim sudom u Sarajevu (u daljnjem tekstu: sud).
- (2) Postupci u kojima se plaća taksa i visina takse za pojedine radnje, utvrđeni su u Tarifni sudskih taksi, koja je sastavni dio ovog zakona.

Član 2.

(Obveznik plaćanja takse)

- (1) Takse propisane ovim zakonom plaća lice po čijem zahtjevu ili u čijem interesu se preduzimaju radnje u postupku, za koje je ovim zakonom utvrđeno plaćanje takse (u daljnjem tekstu: takseni obveznik).
- (2) Za podneske i zapisnike koji zamjenjuju podneske taksu je dužno da plati lice koje podnosi podneske i lice na čiji zahtjev

5. NAČIN RADA

Član 6.

Predsjednik Komisije saziva sve sastanke, organizira ih i vodi po potrebi.

Član 7.

Sekretar Komisije obavlja stručne i administrativne poslove za potrebe Komisije. Bilješke i zaključke sa konkretnim zaduženjima dostavlja svim članovima Komisije.

Član 8.

Članovi Komisije dostavljaju bilješke sa sastanaka Komisije svojim organizacijama, udruženjima, mjesnim zajednicama i raspravljaju o njima.

6. ODGOVORNOST

Član 9.

Članovi Komisije su obavezni djelovati u najboljem dugoročnom interesu njihove Općine i građana prije svakog drugog interesa (političkog, religioznog i sl.).

Član 10.

Komisija je obavezna izvještavati Općinsko vijeće o realizaciji Strategije održivog razvoja Općine Trnovo za period 2012 -2016. godina.

7. ZAVRŠNE ODREDBE

Član 11.

Odluka stupa na snagu danom objave na oglasnoj ploči Općine Trnovo, a naknadno će se objaviti u "Službenim novinama Kantona Sarajevo".

Broj 01-02-2035/11
11. augusta 2011. godine
Trnovo

Predsjedavajući
Općinskog vijeća Trnovo
Selim Hamzić, s. r.

Odluka objavljena na oglasnoj ploči Općine Trnovo 11. 8. 2011. godine.

Ured za zakonodavstvo Vlade Kantona Sarajevo

Na osnovu člana 5. Uredbe o izmjenama i dopunama Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj 17/11) i člana 4. stav 1. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj 7/06 - Prečišćeni tekst), Ured za zakonodavstvo Vlade Kantona Sarajevo utvrdio je Novi prečišćeni tekst Uredbe o postupku i načinu pripremanja, izrade i dostavljanja propisa.

Novi prečišćeni tekst Uredbe o postupku i načinu pripremanja, izrade i dostavljanja propisa obuhvata: Uredbu o postupku i načinu pripremanja, izrade i dostavljanja propisa ("Službene novine Kantona Sarajevo", broj 7/06 -Novi prečišćeni tekst) i Uredbu o izmjenama i dopunama Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj 17/11), u kojima je označen dan njihovog stupanja na snagu.

Broj 09-02-23529/11
19. augusta 2011. godine
Sarajevo

Sekretar
Ureda za zakonodavstvo
Vlade Kantona Sarajevo
Ahmed Ljubović, s. r.

UREDBA

O POSTUPKU I NAČINU PRIPREMANJA, IZRADE I DOSTAVLJANJA PROPISA

(Novi prečišćeni tekst)

Član 1.

Ovom Uredbom propisuje se postupak i način pripremanja, izrade i dostavljanja propisa koje donosi Skupština Kantona

Sarajevo (u daljnjem tekstu: Skupština), Vlada Kantona Sarajevo (u daljnjem tekstu: Vlada), kantonalni ministar/ministrica ili direktor/direktorica kantonalne uprave, a koje razmatra, utvrđuje ili donosi Vlada, odnosno kantonalni ministar/ministrica ili direktor/direktorica kantonalne uprave.

Odredbe ove Uredbe odnose se i na pravilnik o unutrašnjoj organizaciji kantonalnog ministarstva, kantonalne uprave, kantonalne upravne ustanove i stručne službe Vlade (u daljnjem tekstu: kantonalni organi).

Član 2.

Propise odnosno pravilnike iz prethodnog člana pripremaju kantonalna ministarstva i drugi kantonalni organi, svaki iz svoje nadležnosti (u daljnjem tekstu: nosilac izrade).

Član 3.

Nacrt odnosno prijedlog propisa (u daljnjem tekstu: propis) nosilac izrade dostavlja sekretaru Vlade u obliku utvrđenom Poslovnikom Vlade, te sa naznakom da li se radi o nacrtu ili prijedlogu propisa.

Obrazloženje propisa treba da sadrži:

- ustavni, odnosno zakonski osnov za donošenje propisa,
- razloge zbog kojih treba donijeti propis i načela na kojima treba da se urede odnosi u odgovarajućoj oblasti,
- uskladenost sa legislativom Evropske unije,
- objašnjenja pravnih rješenja sadržanih u propisu,
- mišljenja kantonalnih organa i organizacija, nevladinog sektora i drugih učesnika u raspravi o prednacrtu i nacrtu propisa, koji su konsultovani u toku izrade propisa, sa posebnim osvrtom na mišljenja koja nisu usvojena i razlozima zbog kojih nisu usvojena.
- finansijska i druga sredstva potrebna za provođenje propisa i način njihovog obezbjeđenja (izvori sredstava),
- priložene odredbe propisa koji se mijenjaju ili dopunjuju i odredbe propisa koji su pomenuti u preambuli i tekstu propisa i obrazloženju propisa.

Nosioci izrade dužni su nacrt propisa i drugih akata, koji se odnose na oblast ekonomske, socijalne i razvojne politike i ekonomskih i socijalnih prava i interesa zaposlenika i poslodavaca, dostaviti Ekonomsko-socijalnom vijeću za područje Kantona Sarajevo i u obrazloženju navesti da li su dobili mišljenje, odnosno prihvatili ili nisu prihvatili mišljenje i razloge zbog kojih mišljenje nije prihvaćeno.

Ukoliko su za sprovođenje propisa potrebna finansijska i druga sredstva ili se regulišu imovinsko-pravna pitanja, nosilac izrade dužan je prethodno pribaviti mišljenje Ministarstva finansija i Pravobranilaštva Kantona.

Nosilac izrade propisa obavezan je da se, pri izradi propisa, pridržava Jedinštenih pravila za izradu pravnih propisa u institucijama vlasti Bosne i Hercegovine ("Službeni glasnik BiH", broj 11/05) i Pravila za konsultacije u izradi pravnih propisa ("Službeni glasnik BiH", broj 81/06).

Član 4.

Uz propis iz člana 3. ove Uredbe, nosilac izrade propisa dostavlja Vladi:

- mišljenje Ureda za zakonodavstvo Vlade Kantona Sarajevo (u daljnjem tekstu: Ured za zakonodavstvo) o uskladenosti propisa sa Ustavom i pravnim sistemom i
- mišljenje Ministarstva pravde i uprave o uskladenosti propisa sa Evropskom konvencijom o zaštiti ljudskih prava i osnovnih sloboda i drugim pravnim aktima kojima je utvrđena zaštita ljudskih prava i sloboda, kao i izjašnjenje o datim mišljenjima, odnosno obrazloženje zbog čega se neki od stavova iz mišljenja ne prihvataju,
- izjašnjenje da li je propis pripremljen u skladu sa programima rada Skupštine i Vlade (u daljnjem tekstu: program rada), razlozima odstupanja od rokova utvrđenih programom rada, a ako se radi o propisu koji nije uvršten u program rada, razlozima za njegovo predlaganje.

Ured za zakonodavstvo i Ministarstvo pravde i uprave dužni su, u roku od sedam dana od dana prijema propisa, dostaviti svoje mišljenje nosiocu izrade propisa.

Ukoliko Ured za zakonodavstvo i Ministarstvo pravde i uprave daju primjedbe na propis, nosilac izrade propisa dužan je da, u roku od sedam dana od dana prijema mišljenja, dostavi pismeno izjašnjenje Uredu za zakonodavstvo i Ministarstvu pravde i uprave o datim primjedbama, sa obrazloženjem stava o primjedbama koje ne prihvata.

Ured za zakonodavstvo i Ministarstvo pravde i uprave, u roku od sedam dana od dana prijema stava nosioca izrade propisa, dostavlja konačno mišljenje nosiocu izrade propisa.

Propis koji se dostavlja na mišljenje mora biti ureden na način utvrđen u članu 3. ove uredbe.

Član 5.

Izmjene i dopune propisa pripremaju se na način utvrđen za pripremanje propisa.

Član 6.

Pravilnik o unutrašnjoj organizaciji (u daljnjem tekstu: Pravilnik), rukovodilac kantonalnog organa priprema na način utvrđen zakonom, propisima o poslovima osnovne djelatnosti iz nadležnosti organa državne službe koje obavljaju državni službenici, poslovima koje obavljaju namještenici i uslovima za njihovo vršenje, propisom o načelima za utvrđivanje unutrašnje organizacije kantonalnih organa i zaključcima Vlade, u obliku u kojem se donosi.

Nacrt pravilnika ministar, odnosno funkcioner, dostavlja Ministarstvu pravde i uprave, radi davanja mišljenja o uskladenosti sa zakonom i drugim propisima, kao i racionalnosti i efikasnosti unutrašnje organizacije.

Pravilnik sa mišljenjem Ministarstva pravde i uprave sekretar Vlade dostavlja Vladi, radi razmatranja na sjednici, a pravilnik stupa na snagu danom dobijene saglasnosti Vlade.

Član 7.

Prije donošenja, propis ministra/ministrice, odnosno direktora/direktorice kantonalne uprave dostavlja se Uredu za zakonodavstvo i Ministarstvu pravde i uprave, radi pribavljanja mišljenja o uskladenosti s Ustavom i pravnim sistemom, odnosno s Evropskom konvencijom o zaštiti ljudskih prava i osnovnih sloboda i drugim pravnim aktima kojima je utvrđena zaštita ljudskih prava i sloboda.

Ured za zakonodavstvo i Ministarstvo pravde i uprave dužni su dati mišljenje na propis u roku od sedam dana od dana prijema propisa na mišljenje.

Ukoliko Ured za zakonodavstvo i Ministarstvo pravde i uprave daju primjedbe na propis iz prethodnog stava, ministar/ministrice, odnosno direktor/direktorica kantonalne uprave, u roku od sedam dana od dana prijema mišljenja, dostavlja Uredu za zakonodavstvo i Ministarstvu pravde i uprave izjašnjenje o datim primjedbama, sa obrazloženjem stava o primjedbama koje ne prihvata.

U slučaju da ostaju pri datim primjedbama, Ured za zakonodavstvo i Ministarstvo pravde i uprave dostavljaju Vladi svoje mišljenje i izjašnjenje ministra/ministrice, odnosno direktora/direktorice kantonalne uprave, radi zauzimanja stava o spornom pitanju, a ministar/ministrice, odnosno direktor/direktorica kantonalne uprave, ne mogu donijeti sporni propis prije pribavljanja stava Vlade.

Član 8.

Na dnevni red sjednice Vlade ne može se uvrstiti propis, odnosno pravilnik, uz koji nije priloženo mišljenje Ureda za zakonodavstvo, odnosno Ministarstva pravde i uprave.

Član 9.

Ukoliko Vlada prihvati mišljenje Ureda za zakonodavstvo, odnosno Ministarstva pravde i uprave i vrati propis, odnosno pravilnik, nosiocu izrade na dopunu ili doradu, nakon dopune i

dorade postupa se ponovo na način utvrđen u čl. 4. i 7. ove Uredbe.

Član 10.

Ukoliko se propis, odnosno pravilnik, neće ponovo razmatrati na sjednici Vlade, nosilac izrade je dužan sačiniti prečišćeni tekst propisa u skladu sa zaključkom Vlade, a tačnost prečišćenog teksta potvrđuje rukovodilac kantonalnog organa, koji je nosilac izrade propisa, svojim potpisom na dostavljenom materijalu.

Član 11.

Ukoliko je za donošenje propisa nadležna Skupština, nosilac izrade je dužan da prečišćeni tekst propisa dostavi sekretaru Vlade, radi dostavljanja za Skupštinu, a tačnost prečišćenog teksta potvrđuje rukovodilac kantonalnog organa, koji je nosilac izrade propisa, svojim potpisom na dostavljenom materijalu.

Član 12.

O dostavljanju propisa nadležnim organima i "Službenim novinama Kantona Sarajevo", radi objavljivanja, staraju se sekretar Vlade, za propise Vlade, odnosno ministri, za propise koje oni donose.

Član 13.

Stručna služba Vlade, odnosno ministarstva i drugi kantonalni organi, dužni su čuvati ovjerene primjerke propisa koje donose.

Član 14.

Na sva pitanja koja nisu regulisana ovom uredbom, a odnose se na postupak donošenja propisa, primjenjuju se poslovnici Vlade i Skupštine.

**FEDERALNI ZAVOD ZA STATISTIKU
SAOPĆENJE**

**O PROSJEČNOJ ISPLAĆENOJ MJESEČNOJ NETO
PLAĆI ZAPOSLENIH U KANTONU SARAJEVO ZA
JUNI/LIPANJ 2011. GODINE**

1. Prosječna isplaćena mjesečna neto plaća po zaposlenom ostvarena u Kantonu Sarajevo za juni/lipanj 2011. godine iznosi 1004,14 KM.

Broj 35

10. augusta 2011. godine
Sarajevo

Direktor
Derviš Durđević, s. r.

JP TELEVIZIJA KANTONA SARAJEVO D.O.O

Na osnovu člana 26. tačka 11. i člana 32. Statuta JP Televizije Kantona Sarajevo d.o.o. (prečišćeni tekst), a u vezi sa članom 6. Zakona o javnim preduzećima u FBiH ("Službene novine Federacije BiH", broj 8/05, 81/08 i 25/09) i članom 246. Zakona o privrednim društvima ("Službene novine Federacije BiH", broj 23/99, 45/00, 2/02, 6/02, 29/03, 68/05, 91/07, 84/08, 88/08, 7/09 i 63/10), a u skladu sa članom 2. Rješenja o imenovanju v.d. predsjednika i v.d. članova Nadzornog odbora JP TVSA, broj 03-19/11 od 29.7.2011. godine, Skupština Preduzeća na nastavku 8. redovne sjednice, održane 2. septembra 2011. godine, donijela je

RJEŠENJE

**O RAZRJEŠENJU V.D. PREDSJEDNIKA I V.D.
ČLANOVA NADZORNOG ODBORA JP TVSA**

Član 1.

Razrješavaju se dužnosti v.d. predsjednika i članova Nadzornog odbora JP Televizija Kantona Sarajevo, zbog isteka mandata i to:

1. BENJAMIN ISOVIĆ, v.d. predsjednika

ISPRAVKE

Ured za zakonodavstvo Vlade Kantona Sarajevo

Na osnovu člana 5. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj 7/06-Prečišćeni tekst), Ured za zakonodavstvo Vlade Kantona Sarajevo daje sljedeću

ISPRAVKU

Prilikom objavljivanja Uredbe o postupku i načinu pripremanja, izrade i dostavljanja propisa (Novi prečišćeni tekst) u "Službenim novinama Kantona Sarajevo", broj 21/11 uočena je tehnička greška u članu 4. stav (1), tako što treća alineja nije označena crticom, kako je to urađeno u izvornom tekstu, te je potrebno istu otkloniti, tako da kompletan član 4. treba da glasi:

"Član 4.

Uz propis iz člana 3. ove Uredbe, nosilac izrade propisa dostavlja Vladi:

- mišljenje Ureda za zakonodavstvo Vlade Kantona Sarajevo (u daljnjem tekstu: Ured za zakonodavstvo) o usklađenosti propisa sa Ustavom i pravnim sistemom i
- mišljenje Ministarstva pravde i uprave o usklađenosti propisa sa Evropskom konvencijom o zaštiti ljudskih prava i osnovnih sloboda i drugim pravnim aktima kojima je utvrđena zaštita ljudskih prava i sloboda, kao i
- izjašnjenje o datim mišljenjima, odnosno obrazloženje zbog čega se neki od stavova iz mišljenja ne prihvataju,
- izjašnjenje da li je propis pripremljen u skladu sa programima rada Skupštine i Vlade (u daljnjem tekstu: program rada), razlozima odstupanja od rokova utvrđenih programom rada, a ako se radi o propisu koji nije uvršten u program rada, razlozima za njegovo predlaganje.

Ured za zakonodavstvo i Ministarstvo pravde i uprave dužni su, u roku od sedam dana od dana prijema propisa, dostaviti svoje mišljenje nosiocu izrade propisa.

Ukoliko Ured za zakonodavstvo i Ministarstvo pravde i uprave daju primjedbe na propis, nosilac izrade propisa dužan je da, u roku od sedam dana od dana prijema mišljenja, dostavi pismeno izjašnjenje Uredu za zakonodavstvo i Ministarstvu pravde i uprave o datim primjedbama, sa obrazloženjem stava o primjedbama koje ne prihvata.

Ured za zakonodavstvo i Ministarstvo pravde i uprave, u roku od sedam dana od dana prijema stava nosioca izrade propisa, dostavlja konačno mišljenje nosiocu izrade propisa.

Propis koji se dostavlja na mišljenje mora biti ureden na način utvrđen u članu 3. ove uredbe."

Broj 09-02-23529-1
21. novembra 2011. godine
Sarajevo

Sekretar
Ureda za zakonodavstvo
Vlade Kantona Sarajevo
Almed Ljubović, s. r.

SLUŽBENE OBJAVE

Na osnovu čl. 30. i 33. Zakona o zaštiti prava pripadnika nacionalnih manjina u Kantonu Sarajevo ("Službene novine Kantona Sarajevo", broj 27/11), ministrica pravde i uprave Kantona Sarajevo, u ime Vlade Kantona Sarajevo, objavljuje

JAVNI POZIV

**ZA UDRUŽENJA PRIPADNIKA NACIONALNIH
MANJINA KOJA IMAJU REGISTROVANO SJEDIŠTE
NA TERITORIJI KANTONA SARAJEVO ZA
DELEGIRANJE SVOJIH PREDSTAVNIKA U VIJEĆE
NACIONALNIH MANJINA U KANTONU SARAJEVO**

Pozivaju se udruženja pripadnika nacionalnih manjina koja imaju registrovano sjedište na teritoriji Kantona Sarajevo da delegiraju svoje predstavnike u Vijeće nacionalnih manjina Kantona Sarajevo. Skupština Kantona osniva Vijeće nacionalnih manjina Kantona Sarajevo, kao stalno savjetodavno tijelo Skupštine Kantona Sarajevo. Vijeće čine po jedan predstavnik-delegat svake nacionalne manjine definisane zakonima o zaštiti prava pripadnika nacionalnih manjina Bosne i Hercegovine i Federacije Bosne i Hercegovine. Delegata u Vijeće predlaže udruženje pojedine nacionalne manjine koje ima registrovano sjedište na teritoriji Kantona, a bira ga na način na koji to odredi udruženje. Kandidat za delegata u Vijeću može biti svaki član udruženja nacionalne manjine koji ima opće biračko pravo u Bosni i Hercegovini i nastanjen je u Kantonu u neprekidnom trajanju od najmanje jedne godine do dana stupanja na snagu Zakona o zaštiti prava pripadnika nacionalnih manjina u Kantonu Sarajevo.

Ukoliko nacionalna manjina ima više svojih udruženja čije je sjedište registrovano na teritoriji Kantona, udruženja zajednički predlažu jednog kandidata za delegate te nacionalne manjine u Vijeću. Na osnovu prijedloga delegata u Vijeće, članove Vijeća odlukom imenuje Skupština Kantona. Skupština Kantona, tokom trajanja mandata Vijeća, dopunjava odluku o imenovanju članova Vijeća, po osnovu stalnog javnog poziva koji će se obezbijediti postavljanjem javnog poziva na web stranici Skupštine Kantona, na prijedlog udruženja pripadnika nacionalnih manjina koje ima registrovano sjedište na teritoriji Kantona, a koje nema svog predstavnika u Vijeću. Mandat članova Vijeća je četiri godine, s tim da mogu biti ponovo imenovani na način propisan ovim zakonom.

Udruženja pripadnika nacionalnih manjina koja imaju registrovano sjedište na teritoriji Kantona dužna su, u roku od 15 dana od dana objavljivanja javnog poziva u "Službenim novinama Kantona Sarajevo", delegirati svoje predstavnike u Vijeće i svoju pismenu odluku o imenovanju svog delegata u Vijeće, uz dokaz da je delegat nastanjen u Kantonu Sarajevo u neprekidnom trajanju od najmanje jedne godine do dana stupanja na snagu Zakona o zaštiti prava pripadnika nacionalnih manjina u Kantonu Sarajevo, dostaviti na adresu:

Ministarstvo pravde i uprave Kantona Sarajevo
Reisa Džemaludina Čauševića broj 1
Sarajevo.

Ovaj javni poziv će biti objavljen u "Službenim novinama Kantona Sarajevo", jednom dnevnom listu velikog tiraža i na web stranici Vlade Kantona Sarajevo.

Javni poziv ostaje otvoren do isteka mandata delegata u Vijeću nacionalnih manjina imenovanim po ovom javnom pozivu.

(SI-1234/11-K)

IZVODI IZ POSLOVNIKA SKUPŠTINE KS

Član 154.

Ukoliko se amandmanom bitnije mijenja tekst prijedloga zakona, o amandmanu se ne može odlučiti prije nego što se o njemu ne izjasne nadležna radna tijela Skupštine. Zakonodavno-pravna komisija i Vlada.

Član 155.

Ako amandman na prijedlog zakona sadrži odredbe kojima se angažuju finansijska sredstva, predsjedavajući Skupštine dostavlja amandman i nadležnom kantonálnom organu u čiji djelokrug spadaju pitanja obezbjeđenja sredstava i raspolaganja sredstvima da razmotri uticaj odredaba amandmana na raspoloživa sredstva i na obezbjeđenje sredstava za finansiranje predloženog rješenja i da o tome izvjesti Skupštinu.

Član 156.

Povodom amandmana na prijedlog zakona podnesenog u toku pretresa, Skupština može odlučiti da se pretres prekine da bi se o amandmanu izjasnila Vlada, nadležno radno tijelo, klubovi naroda i Zakonodavno-pravna komisija.

Član 157.

Podnosilac prijedloga zakona se izjašnjava o amandmanu.

Vlada Kantona se izjašnjava o amandmanima i kada nije predlagač zakona.

Amandman podnosioca prijedloga zakona, kao i amandman drugog ovlaštenog predlagača sa kojim se podnosilac prijedloga saglasio, postaje sastavni dio prijedloga zakona.

O amandmanu na prijedlog zakona sa kojim se nije saglasio predlagač, a podnosilac amandmana nije odustao od njega, Skupština glasa odvojeno.

- Donošenje zakona po skraćenom postupku

Član 158.

Kad je to programom rada Skupštine predviđeno ili kad nije u pitanju složen i obiman zakon, podnosilac prijedloga zakona može umjesto nacрта da podnese prijedlog zakona i da predloži da se prijedlog zakona pretresa po skraćenom postupku bez nacрта zakona.

Ako Skupština ne prihvati da pretresa prijedlog zakona po skraćenom postupku, sa prijedlogom zakona će se postupiti kao sa nacrtom i o tom nacrtu odmah se vrši rasprava.

- Donošenje zakona po hitnom postupku

Član 159.

Zakoni se, po pravilu, ne donose po hitnom postupku. Izuzetno, po hitnom postupku može da se donese samo zakon kojim se uređuju odnosi i pitanja za čije uređivanje postoji neodložna potreba i ako bi donošenje zakona u redovnom postupku, moglo da izazove štetne posljedice za društvene interese u Kantonu.

Član 160.

Prijedlog da se donese zakon po hitnom postupku, skupa sa prijedlogom tog zakona, može da podnese svaki poslanik/zastupnik, radno tijelo Skupštine ili Vlada, uz obrazloženje zašto je neophodno da se zakon donese po hitnom postupku.

Član 161.

O prijedlogu za donošenje zakona po hitnom postupku odlučuje Skupština kao o prethodnom pitanju na sjednici Skupštine prije utvrđivanja dnevnog reda.

O prijedlogu se vodi pretres, a Skupština može odlučiti da podnosilac prijedloga zakona ili njegov predstavnik na sjednici Skupštine usmeno navede razloge zbog kojih je potrebno da se zakon donese po hitnom postupku.

Ako prijedlog nije podnijela Vlada, Skupština će prije odlučivanja od nje zatražiti mišljenje o ovom prijedlogu.

Ako Skupština usvoji prijedlog za donošenje zakona po hitnom postupku, prijedlog zakona se unosi u dnevni red i o njemu se odlučuje na istoj sjednici Skupštine.

Ako Skupština ne prihvati razloge iz člana 159. stav 2. ovog poslovnika za donošenje zakona po hitnom postupku, o svom zaključku odmah obavještava podnosioca prijedloga zakona, te o njemu raspravlja kao o nacrtu.

Član 162.

Predsjedavajući Skupštine, kad primi prijedlog da se zakon donese po hitnom postupku, zatražiće od Zakonodavno-pravne komisije i odgovarajućeg radnog tijela da razmotre prijedlog zakona i podnesu Skupštini izvještaj.

Skupština može, kad utvrdi potrebu donošenja zakona po hitnom postupku ili u toku pretresa, da zatraži od Zakonodavno-pravne komisije i odgovarajućeg radnog tijela da razmotre prijedloge i podnesu odmah izvještaj o prijedlogu zakona.